


اٲل ادبیاتی

حسرت مکتوبو

صدرالدین آقایی (عاطف)

حسرت مکتوبو


صدرالدین آقایی (عاطف)



El adabiyate

Hasrat Maktubu

Poet: Sadradin Aghayi (ATEF)



مؤسسة انتشارات اعظم


اٲل ادبیاتی

حسرت مکتوبو

صدرالدین آقایی (عاطف)

حسرت مکتوبو


صدرالدین آقایی (عاطف)



El adabiyate

Hasrat Maktubu

Poet: Sadradin Aghayi (ATEF)



مؤسسة انتشارات اعظم

حسرت مکتوبو

صدرالدين آقايي «عاطف»

۱

شناسنامه کتاب :

ادی : حسرت مکتوبو
قوشان : صدرالدین آقایی «عاطف»
چاپ ایلی : ۱۳۸۹
سای : بیرینجی چاپ - ۱۰۰۰ جلد
ناشر : اعظم
نشر نیری : تبریز
قیمت : ۲۵۰۰۰ ریال
ویراستار : محمد عبادی قاراخانلو ((آلشیق))

شماره شابک : ۹۷۸-۹۶۴-۹۹۱۱-۲۳-۶

ایچینده کیلر:

- ۳۶.....ما چکر، چکر
 ۳۷.....ما ساری
 ۳۸.....یارادان
 ۳۹.....یاز دردی
 ج- دوداق اوپوشر تجنیس لو:
 ۴۰.....ما چالار، چالار
 ۴۱.....ما قالا، قالا
 د- جیقالی تجنیس لو:
 ۴۲.....آلینا
 ۴۴.....نه دردی
 ه- گندر گله: و یا نفس آلماز تجنیس:
 ۴۶.....جان آنا اوف - اوف

قوشمالار:

- ۴۸.....آپاردی
 ۴۹.....آراسیندا
 ۵۰.....آلماق اولماز
 ۵۱.....آنا
 ۵۲.....آنا
 ۵۳.....آنا
 ۵۵.....آی ساز
 ۵۶.....آیاغینا
 ۵۷.....آیاقلایر
 ۵۸.....آیی
 ۵۹.....ایلیز زامان
 ۶۱.....اورک
 ۶۲.....اوف - اوف
 ۶۴.....اولا

- ۶.....اؤن سؤز:

دیوانی لو:

- ۱۳.....اولماسا
 ۱۴.....باخ
 ۱۵.....بایرام گونلری
 ۱۶.....به به هاو باش بو باش دیوان
 ۱۷.....دوینانین
 ۱۸.....علی (ع) «نقطه سیز»
 ۱۹.....قیرمیزی
 ۲۱.....کولگه سیز
 ۲۲.....محمد (ص)
 ۲۴.....یازیلیب «الف بی»
 ۲۵.....یتیشدیم

تجنیس لو:

الف - آفاق تجنیس لو:

- ۲۷.....آلا گوز
 ۲۸.....آیازین دردی
 ۲۹.....آیازین دردی «جواب»
 ۳۰.....اودا دا

ب: ساده تجنیس لو:

- ۳۱.....آج آرا
 ۳۲.....آله وئرر
 ۳۳.....گول اینجه
 ۳۴.....گوله یاز
 ۳۵.....مین آدا

اۇن سۆز

حسرت عۇمور سورن شاعیر

«شاعیر اۇلا ییلمزسن آنان دۇغماسا شاعیر»؛ دتین اۇلو شهریاریمیزین بۇ سۆزۈ حقیقتاً قیزیل سۆیۈ ایلە یازیلمالی دیر. شاعیرلیک یاشدان، ساواددان، مقامدان، نده واردان آسیلی دئییل؛ بلکه ایلاهی بیر وئرگی دیر کی، او یو کو داشیا بیلن انسانلارین چینییه قۇیرلور. منجه هر عادی سۆز یاراشدیرانلار، شاعیر دئمک دۇغرو دئییل. نه چۇخ سۆز قۇشانلار کی اوتلار کتاب حجمینده، سۆز یاراشدیریب، قۇشویلار، اما تکجه بیر بیت سۆزۈده بیر کسین یادیندا قالمایب. و نه چۇخ شاعیرلریمیز کی سایجا آز یازسالاردا، ناز یازیلار. قلمدن چیخان هر بیر شعرلری سدلر - سینیلار آشیب، سرحدلر کتچیب، دیلرلر ازبری اۇلوبدور.

کتابی چیخمازدان اول شعرلری عاشیققلاریمیزین طرفیندن اۇخونوب، دیلرله دوشن شاعیرلریمیز، بارماق سایدا اولسالاردا، یترینجه اۇلکه میزده اۇزلریندن گۇزل اثرلر یاراتماقدادیرلار. هله یوز ایللر قاباقدان شعرلری و داستانلاری سینهدن - سینیه آخیب، سوزوب گلن شاعیرلریمیزین و یارادیجی عاشیققلاریمیزین اثرلرینین قۇرونوب ساخلانیدیغی آرشیو، یالنیز خالقین یادداشی اولموشدور. نییه کی خالقین ایچینده باش قالدیریب، خالقین ایچینده یاشاییب، یازیب - یارادان شاعیرلر خالقا داها یاخین و یارادیجیلیقلاری خالقین ایسته گینه داها اویغون اولوبدور. ائل شاعیرلریمیزین یارادیجیلیقلاریندا سارای شاعیرلرینه تای تمئادان ایرکی گلن هئچ بیر قۇتدارما و یاراشمایان اؤیمه لر، مدحیه لر گۇزه دیمیر. و ائله بونا گۇره ده اوتلار خالقین، حاقدی دئییب، حقیقتی سؤیله یین سئویملی سینه چئوریلیلر.

اۇ شاعیرلردن بیرى ده ائلیمیزین آغساققال شاعیری، صدرالدین آقایی «عاطف» دیر. عاطف ۱۳۲۵ - نجی ایلده قاراداغین کلیر ماحالینین «کالان» کندینده دونیا یا گۇز آجیب. ان کیچیک یاشلاریندان ائل مجلیسلیرینده، تویلاردا عاشیققلارین ایفاسینا وورغون اۇلوب و اوتلارین اۇخودوقلاری سۆزلردن تأثیر آلاراق ائله همان ییچیمده اۇزوده شعر یازماغا باشلایب. آنجاق اۇز یارادیجیلیغین حضورا چیخارمایان شاعیرین، ایللر سونرا بیر نچه شعرى عاشیققلاریمیزین طرفیندن ائل - اویادا یایلمایا باشلایب. نهایتاً ۱۳۷۳ - نجی ایلده شاعیرین ایلک کتابی تبریزده «شعر گوزگوسو» عنوانی ایلە ایشیق اوزو گۇروب. و بئله لیکله شاعیر عاطفین شعرلری بوتون عاشیققلاریمیزین دیلرلر ازبری اولوب. ایندیه بو اوخودوغونوز کتاب اوتون ایکینجی کتابی دیر کی «حسرت مکتوبو» عنوانی ایلە سیزین گۇروشونوزه گلیدیر.

دۇغوردان دا عاطفین یارادیجیلیغینا باخاندا بیر چۇخ شعرلرینین موضوعسو حسرت ایلە باغلی دیر. حتی اوتون حسرت ردیفلی اوج قۇشماسی واردیر. گۇره سن شاعیر نه یین حسرتینی چکیر؟! شاید بو سۇرغونو - جوابلاندیرماغا هر اۇخوجونون بیر فیکیری اولسون. آنجاق منجه اوتون ان چۇخ حسرت چکیدیگی مسئله دونیادا دۇغرو و دوز عدالتین حاکمیت قۇرماسی دیر. اۇ بۇ آچاقلی - اۇجالی دونیا یا نظر سالارکن انسانلار آراسیندا اولان عدالتسیرلیگه قارشى داها درین نظر سالیر و بیر قۇشما سیندا یازیر:

دوینا بازارینا گذاریم دوشدو،
گوردوم کی بیر جاوان بۇیرگین ساتیر.
دوزدور کی جان وئریر قان قارداشینا،
آنجاق کی عۇرونون چرگین ساتیر.

بیری زر دۈشه ییب دره - دیوارا،
بیری سئوگیلینه آلیر گوشوارا،
کیمی نی یوخسوللوق قیساییب دارا،
نازلی بالاسینین پَرگین ساتیر.

بس گۆره سن شاعیرین بۇ حسرتینه، بۇ اورک سیزیلتی سینا کیم و
هانسی بیر قوه سون قویاجاق؟ الله بو سوزغویا اوزو بیر شعرینده اشاره ائدیر:

سنی ذات پاکین صاحبی کرم،
بحق سورهی نون والقلم،
امتین گۈزلری گتیریب ورم،
قویما بوندان آرتیق انتظار اول.

بلی اوئون حسرتی، دردی، آغریسی و آجیسی حضرت مهدی (عج) بن
ظهور ائتمه سی دیر. و بو بؤیوک تاریخی اولای یقین کی اوئون حسرت
اودونون اوستونه سو چیله به جک.
عاطف شاعیرلیگی تکجه بیر ایلنجه و سوز یاراشدیرماق کیمی یوخ،
بلکه بؤیوک بیر رسالت بیلیر.

گرک قورۇ اودون کیمی هر زامان،
اثلین درد اودونا قالانا شاعیر.

اۋ اثلینین درد اودونا قالانماغی و اۋ اۋددا آلیشیب یانماغی اۋزونه شرف
ساییب و وطن آدینی اۋزونه مقدس بیر عنوان بیلیر. نییه کی اولو
پیغمبریمیز (ص) بیر حدیثینده بویوریدور: «حُبُّ الْوَطَنِ مِنَ الْإِيمَانِ»، وطنینی
سئومک ایماندان دیر. و عاطف بو حاقدا یازیر:

دولانسام دونیانی آیاقدان باشا،
سوزوشسالار ایلک عنوانیم وطن دیر.
بیر قورۇ هئیکلم اونسوز دونیادا،
جسدیمده اولان جانیم وطن دیر.

اۋ اثلینین یوردونون دردین باشا دوشمه، ینلری یارارسیز بیر شخصیت
کیمی قلمه وئریر:

اثلینین دردینی قانمایان آدام،
سوموک اوسته چیخان چیبانا بنزر.

شاعیرین یارادیجیلیغیندا اوخشاتمالار، کنایه لر «استعاره لر» حدیندن
آرتیق گۆزه دیر. اۋ چالیشیر کی هر بیر میصراعه سیندا اولد، وقعا شعر
صنعتلریندن فایده لانسین.

قلیان تک باشیمدا عشق اۋدو یانیر،
آیاقلاریم سوذا، باش آلولانیر،

اور گیم کوپ اولوب توستو دولانیر،
دیلیم قمیش کیمی اللردہ قالب.

و یا:

زامان قووراسینا سورتولور عؤمور،
حسرت کوره سینده سو اولور دمیر،
اورک منقلیندن اؤد آلیر کؤمور،
یانیشی اؤد آلوو، یاخیشی حسرت.

و یا:

قدیم بو کولوبدور دؤنوب کامانا،
اوخساییر کم - قلبیر ساغاناغینا.

بوئدان علاوه عاطفین یارادیجیلیغیندا بوللو - بوللو آتالار سؤزونه و
مئلره توش گلیریک:

آتالار سؤزودور قیماز آدامدان،
قیشین چیلله سینہ قار آلماق اولماز.

و یا:

بو دونیادا یاخشی لیغا یاخشی لیق،
بیر شئی دئییل هر کیشی نین ایشی دیر.
آنجا ائده یامانلیغا یاخشی لیق،
ذاتی اصیل نر کیشی نین ایشی دیر.

شاعیر عاطف یارادیجیلیغیندا چالیشیدیر کی بیر چوخ عاشیق شعرینین
بیچیملرینده اؤز طبعینی سیناسین. اوتون یازدیغی اثرلرده: بایاتی، گرایلی،
قوشما، دیوان، دوواق قاپما (مخمس و ...)، تجنیس، آیاق تجنیس، جیغالی
تجنیس، دوواق اوپوشر تجنیس، گئدر گلمز تجنیس (نفس آلماز تجنیس)،
قوشا یارپاق قوشما، نقطه سیز دیوانی، الیف بشی، کؤلگه سیز دیوانی، اول -
آخر، معراج نامه، وجود نامه، نصیحت نامه، اؤستاد نامه، عبرت نامه،
زنجیرلمه مخمس، غزل و ... کیمی شعر نوعلری گؤزه دیر. البته بو قدر
چوخ چنشیذلی شعرلر یازیب یاراتماق شاعیرین باجاریغین و قلمینین
گوگون گؤستریر.

بیز شاعیر عاطفه اوزون عؤمور، شن یاشاییش و اوغورلو گله جک آرزو
ائدیب، گله جک کتابلارینین یولون گؤزله ییریک. قوی اوتون هر بیر شعر
بشریت دونیاسینین قارانیقلارینا ایشیق سالان بیر چیراغا دؤنسون. طبعی
جوشغون، قلمی کسگین اولسون.

محمد عبادی قاراخانلو «آیشیق»

تبریز ۱۳۸۸

اولماسا

بیر بولاقدان سو گۆتورمه، سویو زولال اولماسا؛
 او آری یا زحمت چکمه، شانیندا بال اولماسا؛
 حلال کسبه اورک باغلا، حالیندان روزی یی،
 اؤولاد سنه عاق اولاجاق، قازانچ حلال اولماسا.

هذیان سؤزو دانشماغا دیله یاساق وثر گیلن،
 یونگول اولار مجلس لرده چوخ دانشیب چوخ گولن،
 عالیم لیگین رسمی بودور آرزو دانشار چوخ ییلن،
 هر یئنه جواب وثرمه سندن سؤال اولماسا.

عالیم اول، شاعر اول، کتاب، یازا اؤزوندن،
 دانشاندا دورر، یاغا، کلمه سیندن سؤزوندن،
 «عاطف» دئیر دوشه جکدیر بیر گون ائلین گۆزوندن،
 او آدامدا، ادب، ارکان، معرفت، کمال، اولماسا.

دیوانی لر

باخ

آدام اوغولو بیر گۆزون آج، بو گئدن کاروانا باخ؛
 نئچه دوتندان دوتا دوشموش سۆردوغون دؤوران باخ؛
 انس - جن باش ائندیردی سلیمانین حؤکمنه،
 ایندی تاپسان بیر نیشانا تخت سلیمان باخ.

قارون کیمی اوزون سالما مال - دنیا سحرینه،
 بیر مقاما ال تاپاندا جومما ظولمون بحرینه،
 حؤکمدارلار باش آیبیدیر بو قضائین قهرینه،
 قصیرلری بیناسیندان قالیدیر وئران باخ.

«عاطف» دؤوران الینده دیر موغایات اول مختصر،
 بو دونیادا دؤوران سوروب نئچه - نئچه اشگندر،
 قاباغینا چیخاجاقدی محشر گونو خئیر - شر،
 نه ایش گؤرسن، باشین اوسته قادر سبحانا باخ.

بایرام گونلری

جوشغون سینم میدان اولور سؤزه بایرام گونلری؛
 کؤنلوم ایستر چؤل - چیمنی گزه بایرام گونلری؛
 قارچیچگی نوروز گولو، باش قووزاییر تورپاقدان،
 یاز گلیشین تبریک دئییر سیزه بایرام گونلری.

شیدا بولبول سویوق قیشین زحمتینه دایانیر،
 قاناد آچیر جهجه وورور گول یوخودان اویانیر،
 ساختا گۆرموش قورو تورپاق یاشیل رنگه بویانیر،
 طبیعتده سورمه چکیر گۆزه، بایرام گونلری.

آرزوم بودو اور کلرین غم غصه سی چکیله،
 کینی کدورت، آغاجینین شومشاد قدی بو کوله،
 اور کلرین باغچاسینا سئوگی گولو اکیله،
 «عاطف» گله او گوللردن، اوزه بایرام گونلری.

به به «اول - آخر دیوان»

حی داوَر خلقیتند دندی: انسانه به به.
حوری ملک سجده قیلدی گلنده جان به به.
حسدیندن لعین شیطان باش آیمه دی آدمه،
حق تعالی دان ابلیس اوچون گلن فرمانه به به.

حیات و ثریب بالیقلا را دریالاری پناهگاه،
حکمتیدن سیر ائله ییر سمالرده مهر و ماه،
حؤکمداردی عالم لره یارانمیشا خیر خواه،
حقیقته دوز اینانان روحا ایمانه به به.

حمد و ثنا اونون کی دیر غیره وارسان اشتباه،
حکیم لرین حکیمیدیر اؤزو هر درده آگاه،
حیران قویوب کائیناتی «عاطف» سیرینه گواه،
حؤکمو قرآن معجزه دی حقدن نشانه به به.

دونیانین

کؤنول سنی آلداتماسین ماه جمالی دونیانین؛
چوخلارینی یولدان اندیب خطی - خالی دونیانین؛
جیفه سینه عاشیق اولوب باشین سالما بلایه،
چوخ باشلاری تاجسیز قویوب قیل و قالی دونیانین.

ازلیندن هر کیمسه یه هر نه و ثریب آلیدیدر،
گاه او جالیدی عزیزله ییب آخیر گؤزدن سالیدیدر،
پادشاهلار وار دولتی بودونیا دا قالیدیدر،
هیچ کیمسه یه وایا، قیلیمیر دولت مالی دونیانین.

بودونیانین قایداسی دیر هنی بوشالیب دولاجاق،
بو حیاتدا آچان گوللر خزانلاشیب سولاجاق،
اسگندره قالما یییدیر «عاطف» کیمه قالاجاق،
یاراناندان وفاسیز دیر جاه - جلالی دونیانین.

علی(ع)

«نقطه سبز»

ای گۆهری دور کمال محرمی اسرار علی(ع).
وی عالم لر حؤکمداری سرور سالار علی(ع).
ای مرامی مهر داور موداراسی معما،
عدولار دا عطا گۆرر سسله سه کرآر علی(ع).

علمه دارا عدله حاکم عادل، امام قما،
اول ولی حی داور اورک وئردی الهاما،
حامی دوردو محمده(ص) هادی اولدو اسلاما،
کلمه - کلمه حکم اللهی دئدی حکمدار علی(ع).

دعوالاردا محکم دوردو گۆهری اسراری گۆر،
اول رسوله کؤمک اولدو کرمی کرداری گۆر،
سسله امداده مولای «عاطف» اوسرداری گۆر،
هاردا اولسا داده گلر او دؤلدول سوار علی(ع).

قیرمیزی

چرخ دؤوران، کج فیرلاندي گئیدی زامان قیرمیزی؛
ظولمو کارلار آت اویناتدی ائتدی طغیان قیرمیزی؛
شام شهرینده تخته چیخدی یزید ابن معاویه،
ازلده قتل حسینه(ع)، یازدی فرمان قیرمیزی.

سعد اوغلونا فرمان وئردی جمع ائیلهدی چوخ لشکر،
کریلاتین چؤللرینی لشکر آلدی سراسر،
فرات اوسته مأمور قویدو او ظالم دؤرد مین نفر،
آل علی(ع)، یاشیل گئیمیش، اهل عدوان قیرمیزی.

عاشورادا صبح آچیلدی طبل جنگ وردولار،
بو سس دوشدو عالم لره، قارا گئیدی روزگار،
یتمیش ایکی یار حسین(ع)، بیر بیر شهید اولدولار،
شهیدلرین پاک قانلاری آخدی الوان قیرمیزی.

«هل من ناصر» سسله ینده اونا گۆیلر آغلادی،
گهواره دن باش قالدیردی علی اصغر(ع) آغلادی،
حسین(ع) آلدی الی اوسته اونا لشکر آغلادی،
حرمله بیر اوخ بوللادی اولدو پیکان قیرمیزی.

اورک یارا، میدان ایستی، امام (ع) یالقیز، لب عطشان،
دؤرد طرفدان اوخ ووردولار آتدان دوشدو او سلطان،
قفاسیندان ذبح اولوندو، اوگون شاهی شهیدان،
عرش فرشه لرزه گلدی اسدی طوفان قیرمیزی.

«عاطف» اوگون قتلگاهدان خبر وئردی ذوالجناح،
شاه ییخیلدی پرچم یاتدی اسیر اولدو آل الله،
باشلار وورولدو نیزه یه، لا اله الا الله،
کسیک باشند نیزه لره آخدی آل قان قیرمیزی.

محمد (ص)

اؤز نوروندان خلق ائيله دی سنی یزدان محمد (ص)؛
اودور نوروں سندن آلیر ایکی جهان محمد (ص)؛
عقل کامل، خیر البشر، رحمت اللعالمین،
میر بطحا خیرالوراء، سنه عنوان، محمد (ص).

رحمت للعالمین سن، آدین دیلرده ازیر،
حق سمتیندن نازل اولدو جبرئیل وئردی خبر،
سمالره زینت وئردی دسته - دسته ملکر،
شأنینه احسن آفرین گلدی هرآن محمد (ص).

بینؤوره دن ویران ائتدین جهالتین نوراغین،
دوینا اوزره سن اوجالتدین حقیقتین بایراغین،
محبّله سن یاندیردین، عدالتین، چیراغین،
حق تعالی دان نازل اولدو، سنه قرآن محمد (ص).

سن دونیا یا گؤز آچاندا دنیا اولدو منور،
طاق کسرا پارچالاندی حیران قالدی ظالمیر،
بیر معجزه نشان وئردین اولوندو شق القمر،
حقیقتی باطللره وئردین نشان محمد (ص).

کۆلگەسىز

نئچە شى وار خلق ائىليە يىب حى سبجان كۆلگەسىز.
انسانلار، پاي وئريدىر گزير هر آن كۆلگەسىز؛
اؤز روحوندا مۇشۇ اولوب عشق، علم، معرفت،
فكر، خيال، عقل، كمال، روح، روان، كۆلگەسىز.

انسانلىقى كامل ائيلر انصاف مروت عدالت،
ييري احساس، ييري هنر، ييري قدرت، شجاعت،
قولاقداسس، گۆزدە ايشيق، عهد ايلقار، صداقت،
اور كلردە مسكن ساليب دين، ايمان، كۆلگەسىز.

آغرى، نيسگيل، گوناھ، ثواب، هجران، وصال، محبت،
«عاطف» دئير: دۆزوم گرک، اوز وئرندە مصيبت،
انسان درين فكرە دالير بوايشلرە حقيقت،
هر انساندا بير حاكم وار آدى وجدان كۆلگەسىز.

يوز ايگيرمى دۇرد مين نبي يوللادى پروردگار،
انيانين هر بيريسى ائتدى سنه افتخار،
يئر، گوى، سنين در گاهينا باشين آير آشكار،
فضيلتين عالم لره اولوب عيان محمد(ص).

ملكلر پيشوازا چيخدى سن گئندە گۆيلره،
جبرائيل دا گئندەدى سن گئنديگين او يئر،
«عاطف» نئچە تعريف دئسين سن كيمي پيغمبر،
سنه تعريف دئيب اؤزو، حى سبجان محمد(ص).

يازيليب

«الف بنی»

ابتدا ده «الف» الله «ب»، بسم الله، يازيليب؛

«ت» توحيددى، ديلده ازير سبحان الله يازيليب؛

ايگيرمى سكهيز حروف ايله قرآن باشا يئتيشيب،

«ث» ثابتدى حى و قيوم، حمد لله، يازيليب.

«جيم» جميل دى «ح» حلیم دى «خ» خدای مهربان،

«دال» داوردى، «ذال» ذالجلال، «ر» يازيليب الرحمن،

«ز» حرفيله زينت تاييب عزيز اولوب هر زامان،

«سين» سبحاندير، «شين» شفاكار قل هو الله يازيليب.

«صاد» صمددير، «ضاد» ضامن دير، «طی» طیبی مخلوقات،

«ظی» ظفرلی، «عين» عادل مخلوق آراساوات،

«غین» غفور، «ف» فاتح دير، تسخيرينده کائنات،

«قاف» قادردير، «کاف» کریم دير، «لام» لطف الله يازيليب.

«ميم» مالک دير، هر دونيايا «نون» ناظردير هر زامان،

«واو» واحددى بير ليگينه شک يوخدور، دوز اينان،

«هه» هادی دير، «ی» يقين بيل «عاطف» اولما پريشان،

«لام الف لا»، لا شريکدير احد الله يازيليب.

يئتشدیم

ابتدا بير قطره ايديم آخيب بحره يئتشدیم؛

يارادانين قدرتيله آيرى شهره يئتشدیم؛

حياتيمى ديشمه يه چوخ جان آتيب چاليشديم،

ارنلردن امداد اولدو من بو دهره يئتشدیم.

رياضى دان درس اويرنديم قُرمول چکديم بير مدار،

او، مدارين آراسيندا قرار تاپدى بير پرکار،

حياتيما بير خط چکدى دولانديقجا روزگار،

چئوره سینه چوخ دولانديم گليب جبره يئتشدیم.

بير مسدس مسئله ده عاجز قالديم بو ايشه،

«عاطف» دئير ضرب، تقسيم، دايانديلار دؤش - دؤشه،

حياتيمين زحمتلري تفريق اولدو بئش بئشه،

بو حسابين جمعينده من آخر صفره يئتشدیم.

(آفاق تجنیس)

آلا گوز

وورغون اولدوم باخیشینا ازلدن،
اورگیمی درده سالدی، آلا گوز.
جییریمه بیر اود سالدی جمالی،
الوان یاناق، قارا کیپرک، آلا، گوز.

شیمشک کیمی بیردن شاخدی قیقاجی،
اولدوز تک سه یریبب آخدی قیقاجی،
اوغرون - اوغرون منه باخدی قیقاجی،
بیر باخیشلا، منی چکدی آلا، گوز.

عشقی شربتینی وئردی دستیمه،
جلاد کیمی شمشیر چکدی اوستومه،
عزرائیل دوتوندا دور دو قصدیمه،
آز قالدی کی، جانی مندن آلا، گوز.

یارادان یارادیب خوشو گلنده،
بیر جوت آلا گوزو خلق ائدیپ سنده،
«عاطف»م او گوزلر اولسایدی منده،
پیشکش ائدیپ دئیردیم کی آلا، گوز.

تجنیس لر

آيازين دردی

(7 ياق تجنيس)

آغ كاغيد اوستونه قارا خط ايله،
گؤتورون يولداشلار آ، يازين دردی.
دومان بوغ اولورموش گونش ساچاندا،
چنى چورودورموش آيازين، دردی.

زمانه نين چرخى دؤنور بئله سى،
قار، آلتيندا قالير كرم له له سى،
داشدا چيخير ياشيل يازين نفسى،
بولبولو آغلادير آ يازين، دردی.

قاينغىلى يا گنج گنج اولار سحر،
اورگين درد بوغار بوغازين قهر،
«عاطف» ين يئديگين ائيله ييب زهر،
يولداشى «ائل اوغلو آياز» ين دردی.

ائل اوغلو آيازين جوابى

آيازين دردی

(7 ياق تجنيس)

وفاسيز دونيانين دردين يازانلار،
تاريخ واراغينا آ، يازين دردی.
ايللر بويو دومان آلتدا قالماقدان،
آشكارا چيخماقدير آيازين دردی.

اورك دوستو گؤزلريمين گيله سى،
سن اولدون كؤنلومون دردين ييله سى،
گول گولسه بولبوله قيشين چيلله سى،
بولبولو آغلتماز آ، يازين دردی.

بو قدر چاغلما آي عاطف بتر،
چوخدا آچيقلاما گؤرسه نير خطر،
دردينه باغلى دير درد پندن بتر،
بو يازيق «ائل اوغلو آياز» ين دردی.

اودا دا

(باقی تہجیس)

او ازل کی عشقین، سون کی نیفر تین،
 او یشگین حورمتین کال محبتین،
 او اوگنی باخیشین، دوغما صحبتین،
 اور گیمی قالاییدی اودا دا۔

سحر کار باخیشین یورغون ایلہامین،
 او وصال شربتین آیریلیق جامین،
 دادیزدیریب منہ ہر ظولمون تاملین،
 نہ اولار کی حسرت تاملین او، دادا

ہاچانا جاق غم ظومونہ تالانیم؟
 تونقال اولوب او جاغینا قالانیم،
 معجون کیمی من چؤللردہ دولانیم،
 لئیلی کیمی سن مسکن سال اودا^۱ دا۔

«عاطف» دئیر من یولونو گوزلرم،
 ہيجران دردین اور گیمدہ گیزلرم،
 گئجہ گوندوز عشقین یولون ایزلرم،
 نہ اولار کی بیر ایز سال اودا دا،

۱- اودا: اوتاق

آج آرا

ایستہ بیر سن دوست اولاسان بیرلہ،
 امتحان ائت اور گینی آج، آرا۔
 گوردونکی دوز دئیل عہدی ایلقاری،
 ازل باشندان اوزاق دولان آج، آرا۔

ازلندن منہ اولدو یار، عاصی،
 نشتر ایلہ باغیریم باشین یاراسی،
 اور گیمہ وردو بیر دیل یاراسی،
 حکیم لردہ ائدہ بیلمیر آ، چارا۔

یارا دئدیم دستمالیما باغلا نار،
 دئمہ دیم کی اور گیمہ باغلا نار،
 بیر قاہی کی قیفیلینان باغلانار،
 «عاطف» دئیر محتاج دیر بیر آچارا۔

آ لهله وئور

میسگر میس آختارار، مفرقچی مفرق،
صرافلار فیکرینی آ، لهله وئور.
بیر آدام کی معرفت، کمال، آختارسا،
آللاه پاخیل دئییل آ، لهله، وئور.

اصیل اولسا یار، دردینی یار، آتار،
آرا لیقدا دوزگون شوگی یارانار،
پای وئرنده یار باغیندان یارا، نار،
بوداغیندان اوزر ال، اله وئور.

«عاطف» یالتاق هنی دانیشار آریه،
عارف اودور سوزو، سوزدن، آرایا،
نانجیب کس هیجران سالار آرایا،
اصیل انسان توتار ال - اله وئور.

گول اینجه

ازل بیر مجلسه واراند اوجلوم،
یثری گلسه دانیش اینجه، گول اینجه.
طبیعتین قایداسیدی ازلدن،
تیکان قالین یارانیدی گول، اینجه.

مردین اول، مردانا اول، مرد یاشا،
باغلی دئییل هنج زاماندا مرد، یاشا،
قوی ائل دئسین ایللر بوبو مرد، یاشا،
قولوندان توت ییخیلانا، گولونجه.

ائله یازما «عاطف» آتالار، سوزون،
دوز اولسا میداندا، آت آلا رسوزون،
اونودما اولونجه آتالار سوزون،
یولداش اولما هر ساتقینا گولونجه.

گوله یاز

دندیم کۆنول یارا، مکتوب یازاندا،
باغری داغلی لاله یه یوخ، گوله یاز.
یاشیل دون، گئیسه ده اورمان چۆل چیم،
گۆزلیکده، فخرانیله یر گوله، یاز.

کامیل حکیم کال - کال دشمز یارانی،
عارف اولسا، ایشاره دن یار، آنی،
طبیعتده تیکان، گولده، یارانی،
تیکان دومان چیسگین سئور، گول آیاز.

ساقی توتار هر، قارایا، آغا، جام،
ساغ الینده منه توتدو آغا، جام،
«عاطف» دئییر شاختا ورموش آغا جام،
گول آچارام بیر اوزومه گوله، یاز.

مین آدا

اورگیم دنیز تک هنی لهنیر،
غواص اولان اوردا تاپار مین آدا.
مین بیر آددیر اولگو اولان قلیسه،
بیر اورگیم قیسقینج اولوب مین آدا.

اصلی پولاد خنجر، کسر دوغرایار،
دوغراییر سان قلییم یارا دوغرو یار،
قوربانلیغا قبول اتسه دوغرو یار،
اسماعیل تک کسیرم منادا.

«عاطف» منی دوغرو دوغوب دوغرو آنام،
حقیقتی دوغرو ییلیب دوغرو آنام،
حاق سۆز اوسته تیکه - تیکه دوغرانام،
کعبه منه مقدس دیر منا دا.

ھا چکر، چکر

کۆنول سروانی دیر حیات یولونون،
نیسگیل لر کاروانین ھا چکر، چکر.
هرکس انسان لیغین درسینی آلسا،
یادلاریندا دردین ھا چکر، چکر.

چرکین سۆز کۆنوللر یارالار گئدر،
کۆورک اورکلرده یارالار گئدر،
چوخلار سئوگی سئور یار آلار گئدر،
چوخودا حسرتین ھا چکر، چکر.

نادان انسان دونیاسیندان تر گئدر،
قانانلارین آلینیندان تر گئدر،
«عاطف» هرکس آتا - آنا ترک ائدر،
ایشینین جزاسین ھا چکر، چکر.

ھا ساری

کۆنلوم کوسوب داهی سنله باریشماز،
اوچولوبدور محبتین، حاصاری.
اورگیمین ساپین چکیب قیریلسان،
دوزلمز کی، ھا، چنگله، ھا، ساری.

معمار ییدیم زحمت چکدیم بو، طاغا،
باغوانیدیم حسرت قالدیم بو، تاغا،
بولبولویدوم قونانمادیم بو تاغا،
گول عشقیندن رنگیم اولور ھا، ساری.

گل «عاطف» ین سینیق کۆنلون ساری، سن،
یون چئویرمه یاد کیمسه یه ساری، سن،
شوخی ترلانا، قنیم ائتمه ساری، سن،
عؤمور بویو گل اوجاتما ھا، ساری.

یارادان

نیسگیل اور گینی قوی یاتاق ائدسین،
سیررین دئمه هر وفاسیز یارا، دان.
نامرد، ملحمینه بیتیشمه سیندن،
مرد اوخویلا، قان، سوزوله، یارادان.

نییه گرک انسان دوزه ظولمه، تا-
باسا اوزنگی سین مینه ظولم، آتا،
دوستا خایین نامرد دوشه ظولماتا،
مرد اوزونه اوفق ساچا یارا، دان.

«عاطف» دوستو، ازل باشدان سینا، سن،
هر ناکسه، قالخان ائتمه، سینه، سن،
مرد یولوندا اولوب گئدسن سینه، سن،
اوردا سنه امداد اولار یارادان.

یاز دردی

بیر وفالی دوست اول یا یاخشی سیرداش،
کاغید، قلم گؤتور، دئییم یاز دردی.
بولبول کیمی دؤزدوم قیش زحمتینه،
فغانا گتیریب منی یاز دردی،

کدر اور گیمده اوجاق قالاییر،
دوست اولسان اور گیم اوددان قال آیر،
فلک ییغیر بیر - بیر اوسته قالاییر،
قیش محنتی، پاییز غمی، یاز دردی.

آنجا ق بیرداش دوشدو اقبال طاغیندان،
قیردی عؤمور گولون قول بو تاغیندان،
«عاطف» دئیر بوستانیمی تاغیندان،
نامرد الین قیش اوزاتدی، یاز دردی.

ها چالار چالار

(دوداق اوپوشر تېجيس)

تولک طرلان شکارینی آلینجا،
آرخاسینجا قاناد، ها چالار، چالار.
شکارین آلاندا کونول سازینی،
نارین دیلله ندریر ها چالار، چالار.

طیفیل فرحله نر شیرین عشقینه،
فرهاد قایا قازار شیرین عشقینه،
آجی قاریشاندا شیرین عشقینه،
کولونگون سرینه ها چالار، چالار.

انسان گرک ساغلیغیندا تیکه سین،
جالاق، وورا، سینیق کونول تیکه سین،
«عاطف» یشن هر جای نین تیکه سین،
قایتارار کلله نه ها چالار، چالار.

ها قالا قالا

(دوداق اوپوشر تېجيس)

قارداش کیشی اودور اؤلندن سورا،
یاخشی آدی دیلده، ها قالا قالا.
شیرین جانندان کئچر وطن ساخلا سین،
سالدیرار داغلاردا ها قالا، قالا.

وقاردان آدلاندی خلق آرا، سینا،
یاخشی یار آختارسان خلق آرا سینا،
وقارلی چیخگیان خلق آراسینا،
حقیقت اوجاغین، ها قالا قالا.

یازیق «عاطف» اگر سوزون قانسالار،
آنلایانین اورگینه قان سالار،
فرسيز اوغول ناحق یشره قان سالار،
سالار آتا سرین ها قالا، قالا.

آلینا

(جیغالی نجیس)

قضا تو تدو عاغلیم باشدان آزالدی،
اورک وئردیم بیر ناکسین آلینا.

عاشیق اولدوم آلینا،
یاناقلارین آلینا.

سفیل اورک آلداندی،
هر جایلار آلینا.

غم توپلادی گونو گوندن قلیمه
بیر قویمادی سنیق کۆنلوم آلینا

سئیره چیخسان بو آرانیم بو داغیم،
سینه مده وار بودویونوم بو داغیم،

عاشیق دئیر بوداغیم،
او آرانیم بوداغیم.
حکیم اولسان ییلرسن،
اورکده وار بو داغیم.

ظالم کسدی کۆتوگوندن بوداغیم،
بورونمه دیم یازین یاشیل آلینا.

خسته دوشدوم بیر سالمادین باشا سن،
عهد ایلقار یتیرمه دین باشا سن.

عاشیق دئیر باشا سن،
گول تاخمادین باشا سن.
خسته دوشدوم دردیندن،
بیر سالمادین باشا، سن.

«عاطف» دئیر نه لر گلدی باشا، سن،
البت، قضا بئله یازیب آلینا.

نه درديم (جيفالى تجنيس)

جاوان كن باغوان اولدوم بير باغا،
هيچ بيلمه ديم نه بئجر ديم، نه درديم.

عاشيق دئير نه درديم،
نه درمانيم نه درديم،
نه حكيم حكيم دير،
ساغلاندى نه درديم.

ايچ باهاردا خزان وردو باغيمي،
ميوه سيندن نه كام آلديم نه، درديم.

غواص نك دريادا آي اوزدو، گتدى،
گوزومون اؤنوندن آي اوزدو، گتدى،

عاشيق دئير آي اوزدو،
گونش باغرين آي اوزدو،
منى بير درده سالىدى،
ايل آستارلى آي اوزدو،

جانيمي جسدن آي اوزدو گتدى،
تاپيلمادى نه درمانيم نه درديم.

هجرانيندان كدرلى يم سئو، گولوم،
من سئو يم سنده منى سئو، گولوم.

عاشيق دئير سئو گيلى،
گول بولبولون سئو گيلى،
بختيار او كسدى كى،
اونو سئو سئو گيلى.

«عاطف» دئير منى سئو سه سئو گيليم،
حياتيمدا نه ملاليم، نه درديم.

جان آنا اوف - اوف (گندر گلمزو یا نفیس آلماز تجنیس)

بیر جانانین جان تک عزیز شوگیلی،
الیندن گئندنه ائيله مزمی اوف؟
اور گیندن قارا قانلار آخاند،
آه چکیب باغیرینی تئيله مزمی اوف؟
گؤتورر الینه غم پیاله سین،
ایچر دائم دئیر جانانا، اوف - اوف.

یاخشى اولار یاردردینی یار، آنا،
دوزگون عشقی دوزگون شوگی یارانا،
هر آداما منتسیر دوست، یار، آنا،
اوندان آیری دوشن سؤیله مزمی اوف؟
جان شیره سین آب - حیات اوولادا،
وئرر اؤز جانیندان جان، آنا اوف - اوف.

مارال لار چیخاندا داغ سینه سینه،
اووچو گزر دره داغ سینه - سینه،
چکیلسه «عاطف» ین داغ سینه سینه،
یاراسیز یلدا ییب گؤینه مزمی اوف؟
ایچنده هجرانین آجی شربتین،
آه چکر هئی دئیر جان آنا اوف - اوف.

قوشمالار

آپاردی

بیر تر لانا م شیکاریمی الیمدن،
سار شیکار ائیلهدی ائلر، آپاردی.
منده دوشدم خان چوبانین گونونه،
سارام سویا باتدی سنلر آپاردی.

نیسگیلره میدان اولدو اورگیم،
پارچالاندی شان - شان اولدو اورگیم،
سونگلره نیشان اولدو اورگیم،
باغیریمین باشینی میلر آپاردی.

غم یولداشلی اولدوم جاوان چاغیمدان،
شام کیمی اریدیم اؤز یانماغیمدان،
قضانین اللری دردی باغیمدان،
لاله لر آپاردی، گولر آپاردی.

یالاق اولدوم پیس دئیجی دیله من،
آخر درد الیندن دوشدوم بئله من،
«عاطف» زحمت چکدیم باغدا گوله من،
فتنه لر چولغادی فعلر آپاردی.

آراسیندا

تقدیر اوخونما میش باغلی دفتر دیر،
کیمسه ییلمیر نه لر، وار آرا سیندا.
کول دیینده بوینون بوکور بنؤوشه،
قیزیل گول یارانیب خار آراسیندا.

بعضاً شوران یشری گول بوستان ائیلیر،
بعضاً ایچ باهاری زمستان ائیلیر،
بعضاً یانار اودو گولوستان ائیلیر،
حضرت ابراهیمه (ع)، نار آراسیندا.

«عاطف» چوخ حکمتلر وار بو دفترده،
قانقا لار گول آچیر گول بیتن یشرده،
ننچه یوز دَته یه، چکیدیر پرده،
آغاجدا بیر دنه، نار آراسیندا.

آلماق اولماز

بد اصیل باغواندان لاپ پاییز فصلی،
یانیقلى خسته به نار آلماق اولماز.
آتالار سۆزودور: «قیماز آدامدان،
قیشین چیلله سینده قار آلماق اولماز».

هر آدامدا نفس ده وار جاندا وار،
قولاق دا وار اورک ده وار قاندا وار،
آدام وار نار کیمی سیخسان قان دامار،
آدام وار سۆیودور بار آلماق اولماز.

حیات کئچر زامان قیل و قالینان،
گاهدا سئوینج ایله گاه ملالینان،
آی «عاطف» هنج زامان دونیا مالینان،
شرف، ناموس، غیرت، عار آلماق اولماز.

آنا

آللاه اؤز آدیندان پای و ثریب سنه،
الیف دیر آدینن ازلی آنا.
آللاه کی گؤزلدی گؤز للیک سئور،
سنسن کائناتین گؤزلی آنا.

داغ تک وقارلی سان دنیز تک درین،
کیمسه یه آچمادین اورک دفترین،
کؤنلون یاتاغی دیر دردین کدرین،
روحون حیاتیمللا گزکی آنا.

کۆرپه آنا قوجاغیندا بسله نیر،
گؤزونه باخدیقجا هئی هوس له نیر،
قومروو کیمی قولاغیمدا سسله نیر،
لایلایین، سؤزلری مزه لی آنا.

دوعان ظولماتیم، هئی ظفر چالیر،
طالعیم گوجلنه نیر بختیم اوجالیر،
او گؤزل آدیندان ایله امین آلیر،
«عاطف» ین قوشماسی غزلی آنا.

آنا

حياتيم وار ليغيم باغليدير سنه،
آي حيات باغيمين باغواني آنا.
جانين شيره سيله بئجرتدين مني،
سن اولدون نطقيمين ياني آنا.

قائيدان شن حيات وئرميسن منه،
ديليم توپوق وورور، دئينده ننه،
آنجاك حياتيمي بورجلويام سنه،
سن سن جان مولكونون سلطاني آنا.

هردن گولومسه سه غنچه دوداغين،
محبت لاله سي آچار ياناغين،
كؤنلوم اوشوينده، ايستي قوجاغين،
اولور دردلريمين درماني آنا.

حيات گنجه سينه آي، وئرن سنسن،
هر آن هاراييما، هاي وئرن سنسن،
«عاطف» ه منت سيز پاي، وئرن سنسن،
مندن قيزيرغانما، احساني آنا.

آنا

سنسن بودونيادا قول - قاناد، وئرن،
اوولادين گنجليك قوشونا آنا.
بالادان خاطيره، هر اودا ياندين،
اولدون غم كدرله آشين آنا.

سنة تاي تايلماس بوگئن دونيادا،
آناليق حاققيني ائيله دين، ادا،
گنجليگيني بخش ائيله دين اوولادا،
جان قوربان آغاران قاشينا آنا.

يوز ياشيم اولسادا اوشاغام سنه،
اوشاغين گوناھين باغيشلار ننه،
آناليق حاققيني حلال ائت منه،
باغيشلا گؤزومون ياشينا آنا.

اسرم پاييزين خزاني كيمي،
آغلارام باھارين دومانى كيمي،
اسماعيل پيغمبر، قورباني كيمي،
اذن، وئر دولانيم باشينا آنا.

اجل سیندراندا عۆمرومون سازین،
 آیاغین آلتیندا قبریمی قازین،
 آنا کلمه سینی حکک اندین یازین،
 «عاطف» ین قبرینین داشینا آنا.

آی ساز

ذکاسیز آداملار دویانماز سنی،
 عارفله جانسان جانانسان آی ساز.
 نوح(ع)دان سلیمان(ع)دان خبر وئیررسن،
 هله ده هله ده جاوانسان آی ساز.

دوققوز اقلیمین وار دوققوز ایراهین،
 یشمیش ایکی دیلین بیر قبله گاهین،
 سینه سینده اولدون ختائی شاهین،
 بیر عادل حؤکمران، دیوانسان آی ساز.

دوققوز اقلیمینده مین عالمین وار،
 طوفانلارا غرق اولمایان گمین وار،
 انسان کیمی سئوینجین وار دمین وار،
 سنیق کؤنوللری آلان سان آی ساز.

صنعت د نیزیونده نهنگ اولموسان،
 دوشمانلار اؤنونده توفنگ اولموسان،
 «عاطف» ین بونونا چلنگ اولموسان،
 اولو بابالاردان نیشانسان آی ساز.

آياغينا

يىلمىم طييعتين قورغوسو ندير،
قىزىل گول باش آيىر خار آياغينا.
هردن چرخ دولانير زامانه دؤنور،
ترلانلار باش آيىر سار آياغينا.

بعضاً خزان وورور ياشيل گولشاني،
چؤلده ياشيل ائيلير آغ گؤز يوشاني،
چوخ واخت منصور كيمي حاق دانيشاني،
ناحاقدان چكديرير دار، آياغينا.

«عاطف» چوخ دهشتله كئچير روزگار،
كيمسه نين حالينا اولور سازگار،
ظاهيري انساندي، باطيني موردار،
توخويور، دوستونون، تور آياغينا.

آياقلانير

يالتاقلار زامانلا قول - بويون اولوب،
نامرد آياغيلا مرد آياقلانير.
تخته يثردن باش قالديريپ شش دوروب،
ايندى زامان دؤنوب نرد آياقلانير.

زامان چييين لردن چكديرير شيره،
چاققاللار اصلاني چكير زنجيره،
تولكويه باش آير بوتون داغ دره،
دؤوشان آياغيلا، قورد آياقلانير.

ظولموكار ايشينه ائيلير افتخار،
مظلومون حاققينا قازديرير مزار،
«عاطف» جهنم اولور روزگار،
بوئي آتير قلىينده درد آياقلانير.

آیی

بیر هلال باش وئردی ماوی سمدان،
گوروندو مغربدن بیر رحمت آیی.
سیلدی اور کلرین نفرت توزونو،
یثرینه نور ساچدی حریت آیی.

آدی رمضان دیر بهار - قرآن،
قرآن اوخوندو قجا خوار اولار شیطان،
سیزه مژده اولسون مؤمن، مسلمان،
حریت گتیردی معرفت آیی.

گؤیدن یشره نازل اولار ملکدر،
ساغ الینده قلم سول الده دفتر،
روزی لر، بو آیدا اولار مقرر،
آللاه سفره سی دیر برکت آیی.

نادان بیلمز اور جلوغون ثوابین،
یوز مین ملک گنده بیلمز حسابین،
«عاظم» ظولمات اولسا عمل کتاین،
قورخما نور ساچاجاق حقیقت آیی.

ائیلیر زامان

هردن طبیعتین پوزوب قورغوسون،
کئچن تاریخلری اوز ائیلیر زامان.
فرهادا قازدیریر سرت قایالاری،
یالتاقلار اؤنونده دوز ائیلیر زامان.

بیرینه یتدیردیر یاغلی نورمانی،
چوخلارا چوخ گؤرور یوان یارمانی،
دهره به دوغرادیر یاشیل اؤرمانی،
یاندیریر اوجاقد کؤز ائیلیر زامان.

آریتلاییر، وارلی لارین، یولاغین،
چلیگین سیندیریر یازیق چولاغین،
بیرنین ائیله بیر ایپک دولاغین،
بیرنین گشیمین، بئر ائیلیر زامان.

سنوتده ترسینه چالیر قاوالی،
بزیر داغار جیفی سؤ کور چووالی،
پایزا گشیدیریر یاشیلی، آلی،
یازین یاشیل لیغین بؤز ائیلر زامان.

«عاطف» قارىشقا تىك چۆلدە گزردن،
كىمى نىن روزوسو گلير خزردن،
بعضاً سلطانلارى سالىر نظردن،
چوبانا، قاش، آتير گوز ائيلير زامان.

اورك

دېلىم مېتىدن صحبت آچاندا،
آلوسىز اودلارا آلىشير اورك.
دېدرگين باجينين گوزلرى كىمى،
ياشى ير - ير ينه قارىشير اورك.

دايماً قىزىشير سوز آلاوينا،
قاش كىرپىك اودونا گوز آلاوينا،
كباب كىمى بىشير اوز آلاوينا،
يانير اوز - اوزونه دانىشير اورك.

حسرتلى دولانير غم چىداريندا،
يايين ايسى سىنده قىشين قاريندا،
سوسوز باليق كىمى صياد توروندا،
چىرىنير دۇيونور چالىشير اورك.

«عاطف» غملى اورك چوخ نازىك اولو،
غنچه تىك آچىلى گول كىمى سولو،
تىكاندا جوجرسه مېتى كولو،
اونلا قوجاقلاشيب بارىشير اورك.

اوف - اوف

بره گاهدا گوردو، جیران دسته سین،
 اوو چونون، اورگی، آخ، دندی: اوف - اوف.
 دیز قاتلاب اوزه چکدی کامانین،
 کاماندان چیخاندا، اوخ دندی: اوف - اوف.

اوخدان کی او جالیدی غم ترانه سی،
 دولدو داغ دره یه اوف - اوف سسی،
 تتر نفسدن دوشدو جو یور سینه سی،
 جیگری اوستوندن، اوخ دیدی، اوف - اوف.

آنا حسن ائله دی بالا نالاسین،
 دوندو چینی اوسته گورسون بالاسین،
 گوردو بالا ایستیر قانین بالاسین،
 آه چکدی اور کدن چوخ دندی: اوف - اوف.

سسله دی عیسی (ع) نی داردان قورتاران،
 آی یعقوبی (ع) انتظاردان قورتاران،
 هارداسان آهونو توردان قورتاران،
 بالام قان ایچینه آخ، دندی: اوف - اوف.

بو شعره اوف دتیر قانانین قلبی،
 بالا محبتین، آنانین قلبی،
 محشره تک یانار آنانین قلبی،
 «عاطف» سن دتیر سن تو خدادی؟! اوف - اوف!!!

اولا

یئنہ شعلہ لندی نوری ہدایت،
دایم یثراوزوندہ بر قرار اولا۔
گلندی بودونیا یا حجت یزدان،
بوتون کایناتا دادیار اولا۔

بیردہ چیچک لندی امامت باغی،
اسدی عدالتین یاشیل بایراغی،
سؤنمز اولدو، بُوتین چیراغی،
دین محمدہ (ص)، پاسیدار اولا۔

بیر سیرر یاراتندی خالیقی سبحان،
امام سیز اولماسین بیر آن بو جهان،
اوّل مہدی موعود، امام زامان (عج)،
یثراوزرہ امامت پایدار اولا۔

سنی ذات پاکین صاحبیی کرم،
به حقّ سورہی (نون والقلم)،
اومتین گؤزلری گتیریب ورم،
قویما بوندان آرتیق انتظار اولا۔

غیبت پردہ سینی سن گؤتور بیر آن،
آشکارا حکم اتسین مجری قرآن،
«عاطف» اور گیندہ قالمایب تاوان،
روا، قیلما اونو بی قرار اولا۔
ہاجانا جاق گرک انتظار اولا؟!

اولدو

دوغما وطنیمده اؤگنی یاشادیم،
آخیب سنله دۇنن گۆز یاشیم اولدو.
غملی اور گیمین گیزلین سیررینی،
اثللره داغیندان سیرداشیم اولدو.

طالیم بورجوندان اولدو در به در،
گون به گون حیاتییم غم اولدو کدر،
آغزیمدا یئدیگیم بال اولدو زهر،
نیسگیل عؤمور بویو یولداشیم اولدو.

زaman دیشیلدی دۇندو روزگار،
ایتدی خاطر حؤرمه گیتندی اعتبار،
قارغا لاجین اولدو لاجین لاردا سار،
آخیردا دؤیدگوم اؤز یاشیم اولدو.

«عاطف» دئیر قوم یئر کیمی اویولدوم،
دوست الیه یامان گونه قویولدوم،
نسیمی تک حاققیم اوسته سویولدوم،
ازل کی سویوجوم قارداشیم اولدو.

اولدو

بو نجه، اویوندیر گلدی باشیما،
یاندی قارا باغریم قات با قات اولدو.
قارا چو خام یاندی غم اویغوسونا،
ایشیقلی گونشیم قارا، مات اولدو.

غم لشگری توتدو شطرنجی جنگی،
اقبالین کۆهلنی وئرمدی اوزنگی
وزیر قاچدی عسگر سالدی توفنگی،
قالانین دیینده شاهیم مات اولدو.

ترسینه فیرلاندی بو چرخ بو دؤوران،
حیات گولشانیمی سولدوردو خزان،
یولومو چن آلدی چخدییم یولومدان،
ییلمزدن همدمیم قازامات اولدو.

حیران قالدیم یارادانین سیرینه،
بالیق نشان اولور نمرود تیرینه،
«عاطف» یالوار ارنلرین پیرینه،
بلکه ارنلردن بیر نجات اولدو.

اولدو

دوستوم منیم درد لریمی سوروشسان،
قوی دنیم بیر به بیر گۆر، نه ییم اولدو.
تقدیری قصادن بیر اودا دوشدوم،
ازلجه یانديران کۆینه ییم اولدو.

ازلیندن صاحب ایدیم سۆزومه،
هئچ بیر سۆزوم قاییتمازدير اوزومه،
من یيلمزدن بیر شئی باتدی گۆزومه،
گۆزومو، چيخاردان، عینه ییم، اولدو.

«عاطف» ائیلیک لریم یاد اولدو یالان،
اورگیم ائوینی ائيله دی تالان،
زیل کۆکه، کۆکلە ییب غم سازین چالان،
اورک سیزیلتیسی گۆینه ییم اولدو.

اولماسا

ائل اوبادا، اتگینده یورد سالماز،
بیر داغین چیمنلی، چۆلو اولماسا.
قوروسو دیل آچماز، بولبولو اؤتمز،
چیچگی، لاله سی، گولو، اولماسا.

زمان چاخماغیندان اود، دوشسه قووا،
اورماندا پالیدلار یانار آلوا،
قوش آرخایین اولوب باغلاماز یووا،
آغاچین قانادی قولو اولماسا.

بیرانسان علّامه اولسا دا اگر،
کلمه سی دورر، اول سۆزلری گۆهر،
آنجا بوزاماندا هدردير، هدر،
یاخشی وار، دولتی، پولو اولماسا.

آی کلانلی «عاطف» بیر آز گنج اوزدن،
قلین اینجیمه سین ککره لی سۆزدن،
مین ایل لیک اوجاقددا دوشرمیش گۆزدن،
بیر آنلیق کۆمورو، کولو، اولماسا.

اولمور

عۇمور ياز قارى تىك، ارير گىدىر،
كئچن گونو، گونە جالاماق اولمور.
زامانين آرشىنى چرە يە دۇنوب،
يارىسين بارماغا دولاماق اولمور.

دوز تانىيم بونىادا دوز، كىمى؟
اورگىن شوگىسى دونور بوز كىمى،
زامانين شكرى اولوب دوز كىمى،
بارماغى باتىريب يالاماق اولمور.

گوزوم گوزور داغ دوشونده آغدى قار،
ال ووراندا گوزورم كى قوردو وار،
قوھوما، اومود يوخ دوستدا اعتبار،
محبّت اوجاغين قالاماق اولمور.

زامانا «عاطف» هر ايش اۆيره دير،
تولكولر اصلا تا دوروش اۆيره دير،
ياپالاق ككلىگه يثرىش اۆيره دير،
سینه گرىب ميدان سولاماق اولمور.

اولوب

«عاشيق حسين جاوانا»

باش قالدير مزاردان آى بۇيوك اوستاد،
زامان دۇنوب باشقا روزگار اولوب.
وطن داغلاريندان دومان چكيليپ،
بوتون چۇل چيمنلر لاله زار اولوب.

بولبولر چىمندە اۆتور هر زامان،
جهجه وورور دئير جان حسين جاوان،
سنه شعر اوخويور، نغمه كار انسان،
اۆتوشوب قارا قيش نوبهار اولوب.

بیر عۇمور وطنه چكدين انتظار،
يولون باغلاميشدى ظاليم حۇكمدار،
ايندى آچىليدى باغلانان يوللار،
بوتون انئيش يوخوش، يول هامار اولوب.

صنعت دونياسينين بختيار شاهی،
سازين سوزون اولدو الين سيلاحی،
پولاد سونگو اولدو اورگين آھی،
ايندى ظولمون ائوى تارمار اولوب.

آهين دوعا اولدو آنا تبريزه،
صفا وئردى هر جيغيرا هر ايزه،
قارانلىق گنجهلر دؤنوب گوندوزه،
دوغما آنا يوردون بختيار اولوب.

اۆلكه ده اوجاليب صنعت بايراغى،
اوچولوب هجرانين غملى چارداغى،
ياشيل دون گشينيپ آرزىلار باغى،
«عاطف» ين شعر باغى ميوه دار اولوب.

اولوب قارداش

آداملار بيچ اولوب زامان فيتته كار،
گون به گون شيطانلار بول اولوب قارداش.
نا حق آياق آليب گؤيلره گندير،
صداقت، حق، ديوان، پول اولوب قارداش.

زامان، انصاف، دينى پوچ ائيله ييبدير،
بشش كلمه اوصولى اوچ ائيله ييبدير،
دوبارا توخلونو قوج ائيله ييبدير،
بورينوزلو، كنجى لر، كل اولوب قارداش.

گؤهر آياقلاتير چانقيل يثرينه،
باغدا قانقال ييتير سونبول يثرينه،
قارغالار اوخويور بولبول يثرينه،
اوشيدا بولبوللر لال اولوب قارداش.

ترسينه فيرلانير «عاطف» بو دؤوران،
آرادان گنديدير ايلقارلا، ايمان،
ائله بير فيريلداق اوينايب زامان،
اربابلار، نؤكره، قول اولوب قارداش.

ایستیر چکه

تازا صنعتکارین آدی دئیلمز،
آدی پارلاماغا فعل ایستیر چکه.
هنج صنعتکار اوز - اوزونه آدلانماز،
یاخشی دوستلا، طایفا، ائل، ایستیر چکه.

قاریشقا روزی به هردانا چکر،
سوستالماز یورولماز مردانا چکر،
داغ یثرنین جوتون هر دانا چکر،
«گرما دوزون» جوتون کل ایستیر چکه.

یاغی دوشمان ازل باشندان دوشماندی،
اوندان قورخوم یوخدور طرف قاناندی،
منیم قورخوم بیر آنلاماز دوستداندی،
اونون مذمتین دیل ایستیر چکه.

دوشمان او یلاغیما اوچوردماز قوشون،
نادان دوست اوچوردار هوس بایقوشون،
«عاطف» ین یو کونو توتار قورغوشون،
قورقوشون یو کونو بئل ایستیر چکه.

ایشی دیر

بو دونیادا یاخشیلیغا یاخشی لیق،
بیر شئی دئیل هر کیشی نین ایشی دیر.
آنجاقلانده یامانلیغا یاخشی لیق،
ذاتی اصیل نر کیشی نین ایشی دیر.

بعضاً یانان چیراقلاری سؤندورن،
بعضاً پیادهنی آتا میندیرن،
انسانلاری گاه اوجالیدیپ ائندیرن،
چرخه دؤوران چرخیشی نین ایشی دیر.

«عاطف» مین درد یله بیر صاباح ائیلر،
بیر ثواب ائدینجه مین گونا ائیلر،
شاهی گدا، گدالاری شاه ائیلر،
زمانه نین گردیشی نین ایشی دیر.

باغينا

پاييز يارپاغى تىك غۇمورون گونلىرى،
دوشور زامانەن سولغون باغينا.
دوشونجەلى انسان يانېقسىلانير،
حياتدا سارالان گۆى يارپاغينا.

زاماندا سارسىلمىش او ياشىل يارپاق،
اوزدن قىپ - قىرمىزى اور گىندە داغ،
قىرىلير بوتاقدا بىر اۆلوم ساياق،
يىغىلير توپلانير غم چارداغينا.

هر دوشن يارپاقدا بىر خاطيره وار،
بىرى كولكلى قىش، بىرى خوش باهار،
يادداشت دفترينده يازير روزگار،
بىر يارپاق ياپىلير هر واراغينا.

«عاطف» گنجلىگىن سۆيۈشۈپ ھدر،
آزى سۈيىنچ ايله چوخو غم كدر،
ايندن بئله غۇمور سورسن نه قدر،
دېمىز بىر قوروموش بوستان تاغينا.

بايرامى

يشنە شاعىر كۈنلۈم قوللار يىن آچىپ،
اىستىكلى آنا تىك قۇجا بايرامى.
بختيار خلقىنە مبارىك دئير،
سعادىلى گونو، قۇجا بايرامى.

چىكىپ قارا قىشى چۆكۈردۈب ديزە،
ياشلىلىق خبرىن گىتىرىپ يىزە،
تازە روح وئرىدى شەرىمىزە،
تېرىك دئير كوچە، باجا بايرامى.

مىھنەتلىر سارماشلىق تىك سارىشىر،
چوخ حسرتلر بىر - بىرىلە قۇيۇشور،
ائەلە گوندو، كوسولولر بارىشىر،
عزىز توتور جاوان قۇجا بايرامى.

تارىخ دىيىشلىلر ايل اولور تازا،
قارچىچىگى قاش گۆز اوينايدىر يازا،
گۆللر گل - گل دئير ياشىل باش قازا،
ساحىل لردە، آغ توراجا بايرامى.

الہی دن بودور «عاطف» موراوی،
گول چیچکلی ایستیر هر گلن یازی،
عاشیقلا رین اولا صحبتی سازی،
شاد گۆره سیز باشی اوجا بایرامی.

بری

اینان کی چاراسیز درده دوشموشم،
سن منیم قارشیمما چیخانندان بری.
اووچویدوم کامانیم دوشدو الیمدن،
مارال تک اوزومه باخانندان بری.

اشاره نین صرافییام قانیرام،
درد املی یم درد اهلینی تانیرام،
پانییق کیمی اود آلمیشام یانیرام،
کیرپیگین چاخماغین چاخانندان بری.

قامتین بنزه بیر سروه، چینارا،
قاشین مسیحانی چکدیریر دارا،
اوتانیر آیننده گنید یگین خارا،
بیر جوت نار باخاندا یاخانندان بری.

گۆزل چکیب طبیعتین نقاشی،
پیاله گۆزلری، هلالی، قاشی،
اینان کی گۆینه بیر قلبیمین باشی،
محبت اوخونو تاخانندان بری.

قارا ساچلار نظامینان دوزولور،
 گۆره‌نین جانیندان الی اوزولور،
 «عاطف» اورگینین قانی سوزولور،
 حسرت منگنه‌سی سیخاندان بری.

بنزر

دوشونجه قوجالدير دوشونلری،
 یوز یاشلی دوشونمز جاوانا بنزر.
 ائلین قایغیسینا قالمايان آدام،
 داغلاردا یاغیش سیز دومانا بنزر.

یالتاقلار اولماسا اولماز ظولمکار،
 توفنگینین سسی سالماز شارها شار،
 ائلینین دردینی قانمايان ائلدار،
 سوموک اوستن چیخان چیپانا بنزر.

آردیج کیمی گۆی ساخلایا یار یاغین؟
 ناموسون چکمه‌سه داشین تور یاغین،
 قانماسا ائلینین آجین چیلپاغین،
 ایشی عدالت سیز دیوانا بنزر.

«عاطف» باغوان اولوب، بار دوشونه‌نین،
 ناموس دوشونه‌نین، عار دوشونه‌نین،
 داغلارجا کدری وار، دوشونه‌نین،
 قامتی دارتیلیمیش، کامانا بنزر.

بو داغلاریندان

خالیقین قدرتین طبیعتده گۆر،
دوینغو الهام آلیر بو داغلاریندان.
خسته لره شفا وئرن سو آخیر،
آب حیات کیمی، بولاقلاریندان.

یازدا یاشیل دوتون سریر چیمنه،
چیچکلر گۆز وورور گلیب گنده نه،
گزیب دولانسامدا گونده مین دونه،
یتنه اورک دویمور یایلاقلاریندان.

جنته بنزه بیر داغی دره سی،
قایالاردان گلیر ککلیگن سسی،
باغلاردا بولبولون گۆزل نعمه سی،
داها ناله چکمیر گول فراقیندان.

«عاطف»، یایلاقلارا چیخیب گردیشه،
بیریان یاشیل چیمن، بیریان گۆی مشه،
شه قویوبدیر مونجوق - مونجوق بنؤوشه،
میرواری تک دامیر یارپاقلاریندان.

ییلیمیرم

زمانه آغزیمین دادین ایتیریب،
هیچ زادین تامینی ییله ییلیمیرم.
کۆنلومه قالانیب ائل دردی غمی،
اورکدن شاد اولوب گوله ییلیمیرم.

باغوان سو، اسیرگیر باغی یانديرير،
قورودور بوستانی، تاغی یانديرير،
کۆنلوم اینیلتیسی داغی یانديرير،
چارا، وارمی، بو نیسگیله ییلیمیرم.

تولکولر دره ده ائيله ییر جۇولان،
قویروغو دۇشونده دولانیر اصلان،
چاققاللار مشه نی ائيله ییر تالان،
اورگیم داشداندير، هله ییلیمیرم.

زاماندا قالمايب نه حق نه حساب،
قارتال لار اوت یشیر قارغالار کاباب،
«عاطف» م دردلری یازدیم بیر کتاب،
دامی عهده سیندن گله ییلیمیرم.

ییلسه یدی نه اوچون یارانیب بشر

عداوت اولمازدی دنیا اوزونده،

ییلسه یدی نه اوچون یارانیب بشر.

اؤز، اؤز وارلیغین دوشونسه یدیه،

یارانمازدی نه عداوت نه ده شر،

ییلسه یدی نه اوچون یارانیب بشر.

قارداش، قارداشینا تور توخومازدی،

یاخشى دفترینی، پیس اوخومازدی،

ناحق زر گئیینیب، حاق قوخومازدی،

عدالته رخنه ائده نمزدی زر،

ییلسه یدی نه اوچون یارانیب بشر.

هیچ واخت یارانمازدی نه بد ذات نه بیج،

یئر اوزره اولمازدی عاغیل سیز نه گنج،

انسانلار بیرله شیب اولاردی بسیج،

حاق یولوندا اولاردیلار هم صفر،

ییلسه یدی نه اوچون یارانیب بشر.

وجدان حکم ائدردی سوسمازدی عاغیل،

حقیقت اولمازدی افسانه ناغیل،

نه غوغا اولمازدی نه ییغیل داغیل،

یالاندان، فتنه دن، قالمازدی اثر،

ییلسه یدی نه اوچون یارانیب بشر.

هنج کس یاراتمازدی نه توپ تو فنگ،

قارداش، قارداشیله باشلامازدی جنگ،

انسانلیق حورمتی هور ردی چلنگ،

چلنگ توپ توفنگه چالاردی ظفر،

ییلسه یدی نه اوچون یارانیب بشر.

روشوت ایله ناحق قانلار باتمازدی،

گونه سیزلار قازاماتدا یاتمازدی،

قودوز، نامرد، مرامینا چاتمازدی،

مردلرین زحمتی اولمازدی هدر،

ییلسه یدی نه اوچون یارانیب بشر.

«عاطف» اوجالمازدی یتیمین اونو،

گوی اسگی یه دویولمزدی آغ گونو،

ملحم سیز بیتدی داغی دویونو،

کوچه لرده دولانمازدی در به در،

ییلسه یدی نه اوچون یارانیب بشر.

پری

یاز بولودو کیمی نه دولوخموسان،
 هردن بیر سس وثریب آغلاما پری.
 باخ سینه می هجران اودو یاندیریب،
 بو یانمیش سینه می داغلاما پری.

پاییزا دؤندر دین ایچ باهاریمی،
 سیندیر دین عشقیمی دوز وقاریمی،
 سن لکه لندیر دین پاک ایلقاریمی،
 گل ایندی یولومو باغلاما پری.

اثل کؤچر یوردوندان، کؤچمز قایداسی،
 واختیندا توتولار هر توپو یاسی،
 سون کی پشمانلیغین اولماز فایداسی،
 کسمه یین قیلینجی باغلاما پری.

«عاطف» کاش گؤرمه یدی سنده بو حالی،
 چوخ پریشان اولدو خسته خیالی،
 کئچن گونلر داهی قایتماز دالی،
 کینه نی قلبینده چاغلاما پری.

تبریز

آی آنا وطنیم دوغما دیاریم،
 بو قوجا دونیانین یاشیدی، تبریز.
 ایگیدلر مسکنی آذربایجانین،
 ایلک تمیلین داشیدی تبریز.

آلا له گول آچیر پاک تورپاغیندا،
 ابرشیم جانلایر گؤی یارپاغیندا،
 اؤلکه اوزوک اولسا شاه بارماغیندا،
 آنجاق او اوزوگون قاشیدی تبریز.

بوتون داغ دره سی دور خزینه سی،
 اصلانلار یاتاغی اولوب سینه سی،
 آلتون هئیکل اولسا ایران اؤلکه سی،
 «عاطف» او هئیکلین یاشیدی تبریز.

تلہ سیک

پولاددان دمیردن برک اولان انسان،
آدین یازیلجاق داشا تلہ سیک.
سس سیز گلہ جکدیر عؤمور پاییزی،
قیروؤو، قوناجاق باشا تلہ سیک.

سانما کی جاوانلیق عؤمرہ ازلدیر،
دونیا یارانیدیر کئفہ گؤزلدیر.
بوتون یاشیللیغین سونو خزلدیر،
بیر گون یتیشہ جک قیشا تلہ سیک.

اورگین کدرین نفرتینی آت،
محبتی سنویر کلی کائنات؟
«عطف» دؤیمادیغین بو گؤزل حیات،
بیر گونده چاتاجاق باشا تلہ سیک.

چاتیشدیر اردیم

گؤیرچین اولسایدیم گؤیه اوچار دیم،
حسرتلر مکتوبون چاتیشدیر اردیم.
کوسگون اورکلری حاققین عشقینه،
ریاسیز روشوت سیز باریشدیر اردیم.

چاپار اولوب کؤهلہ نیمی چاپاردیم،
سوراقلایب درد اهلینی تاپاردیم،
خوش خبرلہ سینیق کؤنول یاپاردیم،
سینیق کؤنوللری یاپیشدیر اردیم.

لہ لگیم شاعیرہ قلم اولاردی،
قانادیم وصالہ علم اولاردی،
سودا غرق اولانا بلم اولاردی،
یاشیل ساحیل لردہ تاپیشدیر اردیم.

«عطف» حسرتلردہ قالان عاشیقین،
آچاردیم قلینین غم دولاشیقین
محبت باغینین گؤی سارماشیغین،
وصال چینارینا ساریشدیر اردیم.

چیلدیرمه میشم

بیر عؤمور اولوشام غملر اورتاغی،
مخت نادانا چیلدیرمه میشم.
خیسین - خیسین آغلامیشام دالدادا،
یالتاغا گؤز یاشی سیلدیرمه میشم.

غم شله سی سیندیر سادا بئلیمی،
یارامازلار باغلاسدا دیلمی،
بابک کیمی آیر سادا الیمی،
آغریسین ناکسه بیلدیرمه میشم.

ساتقین لار تک ساتمامیشام اوزومو،
گؤز یاشیم سویودوب، اورک کؤزومو،
آل قانیملای قیزارتمیشام اوزومو،
سارالیب دوشمانی گولدورمه میشم.

نه قدر سیخر سامنی زامانا،
وطندن بئزیکیب گلرم جانا،
اورگیم باغلی دیر آذربایجانا،
«عاطف» ایکی یثره بؤلدورمه میشم.

حسرت

بو فلک بیر کؤینک توخویوب منه،
سایاسی داغ دیون ناخیشی حسرت.
اورگیم چیرپنیر دالغالی چای تک،
سکوتو، غم کدر، آخیشی حسرت.

سونون گؤرمک اولمور اولو دونیانین،
کؤزوندن چوخ اولور کولو دونیانین،
سینه نی، تتیدیر یولو دونیانین،
ائیشی آه - زار، یوخوشو حسرت.

هردن، بیر زمانه چاپدیریر آتین،
باتیریر گونشین یاخیر طولماتین،
بو چرخین آلتیندا، گئیش حیاتین،
بویلانماسی نیسگیل، باخشی حسرت.

آچاندا هر زامان یادداش دفترین،
کدرلی گؤرورم سئوینجین، یثرین،
اورگیم قانیله یازیلان شعرین،
یازیلیشی حسرت، اوخوشو حسرت.

زامان قووراسينا سورتولور عۆمور،
حسرت كوره سينده سو، اولور، دمير،
اورك منقليندن اود آلير كۆمور،
يانيشي اود آلوو، ياخيشي حسرت.

ترسينه فرلانير چرخين گرديشي،
ظولمودن قيريلير يايين كيريشي،
«عاطف» بئله ديرسه دونيائين ايشي،
آز، ايشي سئوينمك، چوخ ايشي حسرت.

حسرت

آخشام گونشي تك داغلار داليندان،
گۆز قاليب وطنده داغ - داشا حسرت.
بير آدديم آراميز اولوب قاف داغي،
اوزاقدان ائيليريك تاماشا حسرت.

اۆلكه پارچالانيب اورك بۆلونوب،
قارداشلار آيريليب چۆرك بۆلونوب،
آرزولار درد اولوب ديلك بۆلونوب،
قاليدير يولداشلار يولداشا حسرت.

خزري چن توتوب آرازي دومان،
نه باكي گۆرونور نه شكي، شيروان،
وصال كۆروپوسونو اوچوردوب هجران،
قويوبدور قارداشي - قارداشا حسرت.

آي «عاطف» بير اولسا قارداش هارايي،
بوتون ائيش يوخوش اولار دولايي،
تَمَل دن سۆكولر هجران سارايي،
گوز گولرده، باخماز گۆز - قاشا حسرت.

حسرت

بعضاً وولقان کیمی پۇسگورور قالخیر،
اریدیر اورگین یاغینی حسرت.
بالتا وورور گنجلیگین کؤکونه،
قورودور عؤمورون یاغینی حسرت.

اوغورسوز کولک تک باهار چاغیندا،
آل الوان لاله سین اورک داغیندا،
عشقیں شاماماسین سئوگی باغیندا،
سارالدير يام - ياشیل تاغینی حسرت.

یار فراقی چکن یاناقلار کیمی،
پیلته سی توکهنن چراقلار کیمی،
پاییزدا سارالان یارپاقلار کیمی،
سارالدير گۆز لرین آغینی حسرت.

«عاطف»، قیزیل گول تک سولان اورکدن،
نیسگیل لر یاتاغی اولان اورکدن،
محبّتدن یتیم قالان اورکدن،
اسیر گه میر دویون داغینی حسرت.

داغلار

سیزی دولانديقجا تار و مار اولور،
بوتون غم کدرین دونیاسی داغلار.
ازلدن قورولوب یاشیل قوینوزدا،
گؤیر چین کؤنلومون یوواسی داغلار.

درد الیندن باغیریم باشی ازیلیب،
حسرت چکیب قلییم سایى اوزولوب،
ایلها م آلیب طبیعتدن دوزولوب،
کؤنلومده عشقیمین بناسی داغلار.

دو نیا تک سونسوز دور اورکده ديلک،
تقدیرین ایشی دیر بونا نه دنمک،
سیزدن آیریلماغا دوزتمیر اورک،
سیز سینیز کؤنلومون صفاسی داغلار.

طبیعتین جوشغون خزانه سیندن،
آخان شلاله نین خوش نغمه سیندن،
گلیر سحر، اسن، مته نفسیندن،
آنام مهستی نین نواسی داغلار.

بابام علسگرین حق معناسی،
او دده قاسمین قرآن معناسی،
سسلیر قوربانینی، یتیم عباسی،
یالچین قایالارین، نداسی داغلار.

«عطف» چوخ دولانیب آختاریب لقمان،
اورگی یارالی روحو پریشان،
آنجاکی کی تاپماییب دردینه درمان،
قوینوزدور دردینین داواسی داغلار.

داغلار

کنچیدی عؤمرومون گنجیلیک چاغی،
سنین آتگینده ذیروهنده داغلار.
یادداش دفترینده زامان توپلاییب،
باغلانیب بیر آغیر پرونده داغلار.

کۆنلوم ایلهامینی سندن آلیدیر،
مجنون کیمی سنده مسکن سالیبدیر،
جاوانلیقدان امانتیم قالیبدیر،
کوللو تپه لرده درهنده داغلار.

یادیمدادیر هر جیغیرین هر ایزین،
یال - یاماجین درهن، تپهن هر دوزون،
ککلیک اوْتون، بالدییرغانین، یارپیزین،
دردیمه سون قویور درنده داغلار.

یالچین قایالاردان قارتالین سسین،
گوزل ککلیکلرین گوزل نغمه سین،
آخان شلاله نین خوش ترانه سین،
انشیدیدیم بیر جان وثرنده داغلار.

داھا قوجالمیشام آغاریب باشیم،
پانیق کیمی اولوب کیریگیم قاشیم،
«عاطف» م گلمیشم بیر حلال لاشیم،
راحت اولوم قبره گیرنده داغلار.

داغلار

اور گیم قفسده قوش تک چیرپنیر،
اولما، الیم یاردان اوزولور داغلار.
اقبال دفتریندن وصال کلمه سی،
هجران قلمیله پوزولور داغلار.

سونایا حسرتلی قالدی گوللریم،
سارالدی چیچگیم سولدو گوللریم،
پریشان قوینومدا قالدی اللریم،
داغ دویون سینه مه دوزولور داغلار.

گئتسه بولبول، گول، چیمه درد اولور،
پوزغون چیمه بايقولارا یورد اولور،
بوتون خاطره لر منه ویرد اولور،
اودور کی گوز یاشیم سوزولور داغلار.

یلمیردیم ساختایمیش وئردیگی ایلقار،
منی آل ائیلیرمیش وفاسیز نگار،
بیر عؤمور اوزومه گولن دوداقلار،
ایندیسه اوزومه بوزولور داغلار.

نەلر گەلدى يازىق «عاطف» باشىنا،
 اووچولار تور قوروب اقبال قوشونا،
 عباس تەك توش اولدو گولگەز داشىنا،
 عشقىنىن گوزگوسو ازىلير داغلار.

دەدە

سەنسەز حەيات مەنە قازامات اولور،
 قان آغلير اوستومه ساراييم دەدە.
 كەچەن گونلر خايطيريمە دوشەندە،
 اوجالير گۆيلره هاراييم دەدە.

سەنسەز دونيا مەنى ياندېرير ياخير،
 زەزم بولاغى تەك گۆزدەن ياش آخير،
 كۆنلوم كۆهنە ميس تەك توتوبدور ياخير،
 سورتولوب گەندېدېر قالاييم دەدە.

آتايا م اۆزومدە چوخ دئيىل دليىل،
 آتاسېز روزگار كاش اولادليىل،
 لىظه م بير گون اولور گونلرېم بير ايل،
 كەچير هفتەلرېم هر آيېم دەدە.

چەكەك حەسرتليگين زەنجرين قيراق،
 «عاطف» مە مەحبەت دۆورانين قوراق،
 گۆزوم گوزگون اولسون كېرىگيم داراق،
 آغاران ساچلارين داراييم دەدە.

دیبیدی

آی حکیم سوروشسان منیم دردیمی،
ظولموکار فلکین داشی دیبیدی.
آچ باخ بوسینه مه دویونلر داغلار،
گؤررسن کی یان - یاناشی دیبیدی.

قوم یئر تک اور گیم او یولوب گندیب،
زaman جایناغیندا سویولوب گندیب،
یاناغیمین رنگی یویولوب گندیب،
او قدر گوزومون یاشی دیبیدی.

دردیمی دنمگه عاجز اولوب دیل،
عؤمرومه سون قویور بو غم بو نیسگیل،
حکیم لر دئییرلر ساغالان دئیل،
ازلدن یارایا ناشی دیبیدی.

«عاطف» یاراناندان امتحاندادی،
باخسان یارالاری بیر نشاندادی،
آلاوسیز توسوسوز یان ها یانددادی،
اور گینه سؤز آتشی دیبیدی.

دئینده

کؤنلوم نه شاد اولور نه ده سئوینیر،
عالیمین وصفینی، نادان دئینده.
اور گیم آغاجی قیشدا گول آچار،
دوستون تعریفینی دوشمان دئینده.

هاچاغ تانیبیدیر عالیمی نادان،
قضاوت ائیلیه یه حاققیندا بیر آن،
اور گیم قان اولور بئله قورغودان،
یاخشى انسانلارا، یامان، دئینده.

آرینی ساخلارلار بالینا گؤره،
بیر مناسب یئرده حالینا گؤره،
دونیانین وفاسیز مالینا گؤره،
یانیرام نادانا، قانان دئینده.

آتالار دئییدیر، بئله مثالی،
قانانا، زهر دیر نادانین بالی،
اوندا راحت اولار «عاطف» خیالی،
عالیمه تعریفی، قانان دئینده.

دوداغیمدان

سۆزومه قولاق وئر آی عزیز دوستوم،
کلمه نى گول کیمی اوز دوداغیمدان.
اؤز گه لر سۆزویله اینجیمه مندن،
اشیت حقیقتی اؤز دوداغیمدان.

ایلیکلریم دوشمان اولدو اؤزومه،
ایشیق گونش تار گؤرونلدو گؤزومه،
زامان منی تکلیف ائتدی دؤزومه،
چیخماسین نیسگیللی سۆز دوداغیمدان.

یاناغیم قیرمیزی، لاله سایاقدی،
باغیرمین آراسی دیونلدو داغدی،
آچما اورگیمی وولقانلی داغدی،
یا ییلار ائلره کؤز دوداغیمدان.

آنا یوردوم کلان، «عاطف» دیر آدیم،
اوجالسا گؤیلره آهیم فریادیم،
قورخورام ماحالی یاندیرا اودوم،
اودور کی آسلا نیب بوز دوداغیمدان.

دوغاناغینا

نه ایسه بو فلک عؤمروم ایپینی،
چکیب دولاشدیریب دوغاناغینا.
خیر مانیم اودلاییب تایام توستولور،
اورگیم بوغولور بوغاناغینا.

نیسگیله چئویردی شادلیق دیمیمی،
گون به گون آرتیردی اورک غیمیمی،
قیشین قار شپه سی کسب زیمیمی،
ایندی گؤز نیکمیشم سوغاناغینا.

منله دوز دئمه دی چرخ زامانا،
«عاطف» م گلیمیشم دادا آمانا،
قدیم بو کولوبدو دؤنوب، کامانا،
اوخشاییر کم - قلبیر ساغاناغینا.

دونیا

عارفلر بوسؤزو دئییب ازلدن،
یاخشینی یازیرسان یامانا دونیا.
فطرتین گوستردیر ذاتیندا نه وار،
دوز اوخو یازیرسان کامانا دونیا.

ازل یارانیشدان اویونسان اویون،
شاهلاردا فیتنه نه قویورلار بویون،
عدالت قورقوندا او مظلوم قویون،
گلیر قورد، الیندن آمانا دونیا.

باهار زامانیندا نیسان چاغلاری،
حسرتدن سارالیر عؤمرون باغلاری،
ذیرویه سی آل یاشیل گوللو داغلاری،
چولغالیرسان چنه دومانا دونیا.

ازل یارانیشدان قان اوجاغیسان،
ظولمون اوجاغینین یانا جاعیسان،
ظالیمین چلیگی، یا ناجاغیسان،
سنه قنیم اولسون زامانا دونیا.

بونندان آرتیق ظولمه قالماییب تاییم،
قیزیل گول تک ازیب چکدین گولاییم،
«عاطف» دئیر سنله حقیق حساییم،
قالسین بیر عدالت دیوانا دونیا.

دو نیا

قارا تیکان اولوب یول اوسته بیتیم،
سن گلنده باتام گۆزنه، دو نیا.
کۆنلومه ییغیلان آجی نیفرتی،
سؤیله یم بیر به بیر اوزونه دو نیا.

عاجیل حیران قالیر سنین ایشنه،
اصلاتلار دیدیلیر تولکو دیشینه،
اورکلر چکیلیر حسرت شیشینه،
بی شیر کباب کیمی کۆزونه دو نیا.

چاپدیر، چاپدیر یرسان بو آت بو میدان،
هله کی سورمگه سنیندی دؤوران،
چوخونا گئیدیر دین یاشیل آل - الوان،
کیمین حسرت قویدون بئزینه دو نیا.

مغرور اولوب اوز لوگوندن چیخیرسان،
نامردی، قوزاییب، مردی ییخیرسان،
دؤه کیمی دیزین آلتدا سیخیرسان،
گل چوخدا گؤوتمه دیزینه دو نیا.

بیر گون فاغیرلاردان اوجالار نالا،
گۆیلردن اوستونه، تۆکولر بالا،
اورگین آلدانیب بو خام خیالا،
هاچان گله جکسن اؤزونه، دو نیا.

سلیمانلار قصرین ائیله دین تالان،
«عاطف» دئیر کیمدی یوردوندا، قالان،
دده قاسیم دئییب یالانسان یالان،
اورکلر اینانمیر دوزونه، دو نیا.

دَير

ناشی اؤوچو اؤخون آتار شیکارا،
اؤو قاچار گولله سی ایزینه دَیر.
عاریفین بیر کلمه حقیقت سؤزو،
نادانین بیر کتاب سؤزونه دَیر.

قیشین زحمتیندن قان آغلار بولبول،
حُسنوده گۆزلدی تیکانلی دیر گول،
ادبلی کماللی معرفتلی دول،
بی معرفت قیزلارین یوزونه دَیر.

اؤزگه نین یولونا قویو قازانین،
اورگی دؤیونر، یولدان آزانین،
حقیقت اوستونه ناحق یازانین،
قلمی اوخ اولار گۆزونه دَیر.

«عاطف» ین سۆزلرین توتما سرسری،
ناحق دن دولدورما بیاض دفتری،
داغلارین بیر قاریش گول بیتن یرری،
شورانین بیر ماحال دوزونه دَیر.

دَیمز

عارف دن سوروشدوم دونیانین حالین،
دندى تورش آلچانین کالینا دَیمز.
وجدانی دانلایان، دوشونن انسان،
کیمسه نی اینجیدیب حالینا دَیمز.

بو دنیا سونسوز دور خئیری شری وار،
هنچ کس اؤز عؤمورونه چکنمز حصار،
سخاسیز کرم سیز کئچن روزگار،
قوروموش یوشانین کولونا دَیمز.

دوینا قالارقی دیر عؤمورلر فانی،
حسرتلی آپاریر سلطانی خانی،
بو بنش گون حیاتین شهرتی شانی،
هنچ گلیب گئتمگین یولونا دَیمز.

دوینا گوزگوسونه باخالانلار هانی،
جیفه سی آلدادی هر بیر انسانی،
«عاطف» بودو یانین لعلی مرجانی،
واخت اولار بیر اؤکوز نالینا دَیمز.

زمان

دئیرلر ایگیده آغلاماق عاردير،
واخت اولور ایگیدی آغلادیر زامان.
پولاددان قدرتلی شمشاد قوللاری،
بیر اینه، سایله باغلادیر زامان.

بو نیسگیلی نجه دئسین دردلی دیل،
بولاقلاری لاپ گوزوندن اندیب لیل،
جیرتگانی ائيله ییدیر قرنفیل،
کؤورک اورکلری داغلادیر زامان.

گؤیلره قالدیریر یالتاق نامردی،
قویمور آلتی دورا مردلرین نردی،
«عاطف» اورگینده نیسگیلی درد،
جوشغون چایلار کیمی چاغلادیر زامان.

سایله باغلادیر زامان

دئیرلر ایگیده آغلاماق عاردير

واخت اولور ایگیدی آغلادیر زامان

پولاددان قدرتلی شمشاد قوللاری

بیر اینه، سایله باغلادیر زامان

ساتیر

دولنا بازارینا گذاریم دوشدو،
گوردوم کی بیر جاوان بؤیرگین ساتیر.
دوزدور کی جان وئریر قان قارداشینا،
آنجاق اؤز عؤمرنون چرگین ساتیر.

دولاندیم بازاری آیاقدان باشا،
اوردا برابرلیک گؤرمه دیم حاشا،
بیری ناز ائيله بیر تیرمه قوماشا،
چوخودا اینین کؤینگین ساتیر.

بیری زر دوشه ییب دره دیوارا،
بیری سئوگیلینه آلیر گوشوارا،
کیمینی یوخسوللوق قیسنا ییب دارا،
نازلی بالاسینین پرگین ساتیر.

بیری کئف چکمکده قویما یب آرزو،
دونیا دا هیچ زادا یوخدور نیازی،
بیر عده هر شیه قالب تمارزی،
گتیرب ائوینین گرگین ساتیر.

بیرینین دونیادا او قدر پای،
 الیندن چیخییدیر حسابی سایی،
 چوخونون اوچولوب اقبال سارایی،
 «عاطف»، ساراینین دیر گین ساتیر.

سن اولدون

ایلکین محبتین، عشقین کؤکونو،
 اورک تارلا سینا اکن سن اولدون.
 خزان یئلی اولوب ایچ باهاریم دا،
 آسیب یارپاغیمی تۆکن سن اولدون.

مجنونون ایزینه سالدین رددیمی،
 تیکانلی سیملردن چکدین سددیمی،
 عشقین کوره سینده پولاد قددیمی،
 قیزدیریب، قیزاردیب بوکن سن اولدون.

عشقین اومید یله کئچیردی دؤوران،
 اورکده، غم کدر یوخودور بیر آن،
 محبت سارایی تیکیلن زامان،
 چکیب بینوره سین سؤکن سن اولدون.

«عاطف» ین ایشلرین سالدین مَحَلَه،
 بو کؤورک اورگی اودلانیر هله،
 سن ایله بیر زامان وئردی ال - اله،
 صداقت الینی چکن سن اولدون.

سنين دوغوم گونون مبارک اولسون

بیر داغلار اوغلونون داغ بالاسین،

حیاتا گۆزلرین آچان گونودور،

وقارلی داغلارین ذیروهلرینه،

آزادلیق گونشی ساچان گونودور.

آی داغلار اوغلونو ترلان بالاسی،

سنين دوغوم گونون مبارک اولسون.

وطن تورپاغینین الوان لالاسی،

سنين دوغوم گونون مبارک اولسون.

عۇمور باھارینین سوسن سونبولو،

حیات گولشانینین آچیلان گولو،

آی شوگی باغینین شیدا بولبولو،

سنين دوغوم گونون مبارک اولسون.

اوستادلار عالم لر سنه مهماندی،

نه گۆزل مجلس دیر نه گۆزل آندی،

آتانین آتانی دیلینین آندی،

سنين دوغوم گونون مبارک اولسون.

عشقین باھارینین غنچه چيچگی،

سنی بورومه سین غم هۇرومچگی،

سنه آرزولوروق خوش گله جگی،

سنين دوغوم گونون مبارک اولسون.

بئله دیر «عاطف» ين آرزو مورازی،

خزانسیز یاشاسین عۇمروون یازی،

آتا - آنا اولسون سندن ایراضی،

سنين دوغوم گونون مبارک اولسون.

سيزه تېرىك دئير فيطير بايرامين

روحوم جيلوله نيب نور پالتارينا،
سيزه تېرىك دئير فيطير بايرامين.
آللاه قوناقليغين، بو رحمت آيين،
سيزه تېرىك دئير فيطير بايرامين.

آللاه قبول اتتسين اطاعتيزي،
حقيقت يولوندا ديانتييزي،
ملكدر گوردىكجه عبادتيزي،
سيزه تېرىك دئير فيطير بايرامين.

محشر گونو حاق توتاجاق اليزدن،
حقيقت بينالى حاق تمليزدن،
پيامبر(ص) ستوينير بو عمليزدن،
سيزه تېرىك دئير فيطير بايرامين.

بۇيوك عاليم لريم وطنداشلاريم،
ايستى محبتلى يار يولداشلاريم،
«عاطف» عرض ائله يير دين قارداشلاريم،
سيزه تېرىك دئير فيطير بايرامين.

سيغينام

آرزولاريم چيچك آچا باغيندا،
باغوان اولوب يير باغينا سيغينام.
ظولمات گنده اوفيقلردن نور ساچا،
يير شته اولوب يار باغينا سيغينام.

سارماشيق تىك يىتم ياشيل چؤلونده،
سارماشييان دويون دوشم بئلينده،
دانشاندا صحبت اولام ديلينده،
دانشديقجا دوداغينا سيغينام.

يازين اورىك وئره هر چيچگينه،
يايين اومود وئره گله جگينه،
پاييز قيرۇو قويموش آغ يير چگينه،
قىش اولاندا اوتاغينا سيغينام.

الده كسر اولام يير حربه كيمين،
دوزلردن ديرماشام لاپ، سرپه كيمين،
آناسين آختاران، يير كورپه كيمين،
قاناد آچام قوجاغينا سيغينام.

ایسته میرم آخچا، یا داش قاش، اولام،
یالتاق اولوب ساتقینلارا قوشولام،
ایسته بیرم گوزدن آخان یاش اولام،
سیلینده یاناغینا سیغینام.

گر کدیر کی ایلقاریمدا دوز اولام،
هرزماندا تورباغینا گوز اولام.
اود، آلسامدا اوجاغیندا کوز اولام،
کول اولسامدا، اوجاغینا سیغینام.

سئومیرم کی یاد اؤلکه یه شاه اولام،
«عاطف» ه بزکلی بارگاه اولام،
سئویرم وطنده پناهگاه اولام،
داغیلاندا تورباغینا سیغینام.

شاعیر

کؤنلونون دویغوسو، ائل نیسگیلی دیر،
اورک، وئر درد ی چوخ اولانا شاعیر.
گرک، قورو اودون کیمی، هر زامان،
اثلین درد، اودونا، قالانا شاعیر.

بیراومود تارلاسی ییلیر ائل سنی،
عمان ایچره بیر طوفانلی یئل سنی.
زینه آخان چای چشمه یوخ، سئل سنی،
سن ائلی اویدورما یالانا شاعیر.

پارلاق اول قارانلیق اولدوزو کیمی،
عملین دوز اولسون حق سوزو کیمی،
سوزلرین نهندین آغ دوزو کیمی،
هر دیلده دوداقددا یالانا شاعیر.

عشقده کرم اول احساسدا فرهاد،
یازیلیب حسنونه بیر مقدس آد،
دئیرلر ائلداردی، شاعیردی اوستاد،
قویما عؤمرون گنده تالانا شاعیر.

قلمین اۆلكه يه اومود مایاغی،
 قورتارماسین نه پیلتهسی نه یاغی،
 «عاطف» قوللو غوندا شاگرد سایاغی،
 اذن وئر کۆلگه نده دولانا شاعیر.

شیدا (اوستاد یحیی شیدا/یا)

ساوالان دوروملو، کپز قیاسلی،
 آی آراز فیکیرلی عَمّان احساسلی،
 آی جوشغون سینهللی طوفان نفسلی،
 اۆز دوغما دیلینین دونیاسی شیدا.

فضولی دویغولو، واحد کلاملی،
 نسیمی دؤزوملو، صابر الهاملی،
 شهریار باخشلی، صائب پیاملی،
 عرفان دونیاسینین دریاسی شیدا.

یولونو توتسادا چووغون دومان چن،
 هنر ذیروه سینی فتح ائیله میسن،
 هشتاد اؤتوشسه ده شانلی عؤمروندن،
 وطن گولشانین شیداسی شیدا.

«عاطف» الهام آلیر سؤز صحبتیندن،
 کۆنولر کۆرپوسو، محبتیندن،
 ادب کمالیندان، معرفتیندن،
 اورگین شوگی لر اوڤداسی شیدا.

عشقیم

آلین قیریشسادا باش آغارسادا،
هله ده عاغلیمدان باج آلیر عشقیم.
دونیانی چن دومان چولغالاسادا،
اورک سنوگی سیندن گوج آلیر عشقیم.

هاواسین دیشمیر روزگار کیمی،
بوتاقدان قیریلیمیر باغدا نار کیمی،
حسرت کوچه سینده بیر چینار کیمی،
باشی سمالارا اوجالیر عشقیم.

«عاطف» نهلر چکسه یار فراقیندان،
عشقین شامی یانار اورک یاغیندان،
شیدا بولبول کیمی سنوگی باغیندان،
باشینا چیچکدن تاج آلیر عشقیم.

عۇمور کاروانی

غرق اولدو طوفانا، باتدی باتلاغا،
زامان صحراسیندا عۇمور کاروانی.
اؤز ایشین گۆروردو هر ساعات هر گۆن،
دهشتله گنجیردی عۇمرون هر آنی.

آیلار اؤتوشوردو بیر خیال کیمی،
اورکلردن کئچن بیر سؤل کیمی،
بابالار سؤیله میش بیر مثال کیمی،
چوخ اولورموش یاخشی گۆنون یامانی.

غافیل قارشى چيخديم بير مكافاتا،
دوشدوم پنجره سیز بیر قازاماتا،
کۆنول حسرت قالدی یاشیل حیاتا،
باشا چاتدی گنجلیگین دؤورانی.

زمانه شیمشکین باشیما چاخدی،
«عاطف» بن باغیرینی یاندیردی یاخدی،
نیسگیللی قانلی یاش گۆزومدن آخدی،
ساکت ائدنمه دی جوشان طوفانی.

علی (ع)

دو نیا یارانما میش یاز یلیب آدین،
 بوتون کایناتا شهر یار علی (ع).
 آدم، ازل اسماء لری او خودو،
 یاز یلمیشدی محمد (ع) یار علی (ع).

عجیبه یاراتدی خالیق مطلق،
 آنانین بطنینده سؤیله دین حق - حق،
 کعبه نین دیواری اولوندو، نیم شق،
 اوچ گون آنان چکدی انتظار، علی (ع).

خلقتین عجیبه اوزون معجزه،
 آنادان اولماغین دیمه ییب گوزه،
 تعریفین سیغینماز قلمه سوزه،
 اولدون کایناتا افتخار علی (ع).

آدین علی یارانمیشدان اولودو،
 سنین یولون دوز حقیقت یولودو،
 شائینده یاز یلیب کعبه مولودو،
 سنه اعلا دئییب کردگار علی (ع).

یدالله الینله فتح اولدو خیبر،
 تاماشایا چیخدی گؤیده ملکدر،
 بو هنره احسن دئدی پیغمبر (ص)،
 ووراندا عمروه ذولفقار علی (ع).

گؤیلره سوتون سان یشرلره لنگر،
 سککیز بهشت آرا ساقی کوثر،
 بودونیا، او دونیا، هم روز، محشر،
 داردا قالانلارا، مددکار علی (ع).

درگاهیندا ن مایوس اولماز هیچ سائل،
 منده بیر سائلم معادا قائل،
 «عاطف» جانین قبض ائدنده عزرائیل،
 لطف ائیه سن، چکمز آه - زار علی (ع).

فلگین

هر آجلیغا سوسوزلوغا دایانندیم،
جان چوروتدوم کوتگینه فلگین.
قاریشقا تک، دن اودیردیم چؤللردن،
روزی ییغدیدم، انگینه فلگین.

قویون کیمی باش کئچیرتدیم گورناشا،
دهشتله عؤمورو یشتیردیم باشا،
فلک توتک چالیدی سس سالدی داشا،
قولاق آسدیدم توتگینه فلگین.

قادینلار باشیندا حیا، لچگی،
کیشی لر آغارتدی باشی بیر چگی،
«عاطف» آری کیمی ییغدیدم چیچگی،
بال توپلادیم پتگینه فلگین.

قالیب

سن دئمه گؤز یاشین هنئ نییه آخیر،
بیر عؤمور حسرتلی یوللاردا قالیب.
اودورکی آغلاییر یاز بولودو تک،
شئودیگی ساراسی سئلرده قالیب.

دیبیدیر سینمه آیریلیق داشی،
یارام درین اولوب لقمانیم ناشی،
آراز کیمی آخیر گؤزومون یاشی،
مجنون تک داستانیم دیللرده قالیب.

قلیان تک باشیمدا عشق اودو یانیر،
آیاقلاریم سودا، باش آلولانیر،
اورگیم کوپ اولوب توستو دولانیر،
دیلیم قمیش کیمی اللرده قالیب.

عشقیمله ایسینیر منیم کورگیم،
«عاطف» چورومه ییب اومود دیرگیم،
توخونما کؤینک تک کؤورک اورگیم،
هله ده پاسلانمیش میللرده قالیب.

قالير

منه اوغرون باخان، كدرلى لاجين،
كۆنلون اودوزمايىب محبت خاچين،
دوزدور قوجالميسان، آغاريب ساچين،
ايلك عشقين باخيشى گۆزنده قالير.

گۆزلىرىن گۆزلىدير، گۆز تىكمك اوچون،
قاشلارنى يارانىپ، قان تۆكمك اوچون،
چيلغىن اورگيمه داغ چكمك اوچون،
اوجاغيندا قالير، كۆزونده قالير.

باهار بولودو تىك دولغون اولساندا،
يولچو گۆزو كيمي يورغون اولساندا،
باغوانسىز باغ كيمي سولغون اولساندا،
لاله طراوتى اوزونده قالير.

عشقيندن سوسوزدور اورك سۆزلىرىم،
هثيواتك سارالير آل بنيز لىرىم،
«عاطف» م حسرتلى يورغون گۆزلىرىم،
سن گئىدن يوللارنى ايزينده قالير.

قوربانى آنا

پايىز گولو كيمي تىز آچىب سولان،
اولوم ياناقلارنى قوربانى آنا.
عؤمور بويو زحمت چكن اللرىن،
اولوم بارماقلارنى قوربانى آنا.

آنا، قوينون ايسى اولار يوموشاق،
يىرده قوللارنى آچ يىر قوجاقلاشق،
محببتىن كسمه يىرده دانىشاق،
اولوم دوداقلارنى قوربانى آنا.

سنى گۆرمه يىن گون پوزغوندو حاليم،
زهر اولور آغزىمدا شيرينجه باليم،
اذن وئر آياغىن آلتىندا قاليم،
اولوم آياقلارنى قوربانى آنا.

يارپاق كيمي قوللوغوندا آسرم،
دينديرمه سن، ايندى سندن كوسرم،
بوجانىمى سنه قربان كسرم،
او گلن چاغلارنى قوربانى آنا.

نه اولار «عاطف» ين دردین بيله سن،
گۆزلرینين آخان ياشين سيله سن،
بیرده لطف ائيله ییب قوناق گله سن،
اولام او قوناغین قوربانى آنا.

قورخ اوغول

ایل پیس گلسه، یازی چیچک آچماسا،
پاییز آچان لالاسیندان قورخ اوغول.
چوخ دن آتما آرغین گئدن تو یوغا،
یومورتاماز، فالاسیندان قورخ اوغول.

قدرینی بیل خوش گونلرین هر آنین،
ایشین ییلمک اولماز آلچاق دؤورائین،
اوجادان آلچاغا دوشن انسانین،
آهی توتار نالاسیندن، قورخ اوغول.

اوزه واری هنی گولوشو اولانین،
اوزده اثر کک دالدا دیشی اولانین،
گون اورتادان سونرا کیشی اولانین،
گون توتولار بالاسیندان قورخ اوغول.

«عاطف» تانی شفا وئرن اوجاغی،
امن بیلمه هر قارائلیق بوچاغی،
تورا سالدی بابک کیمی قوچاغی،
سهل - سنباط قالاسیندان قورخ اوغول.

قورخورام

دنیز دریندیرسه اورگی آغدير،
دایازدان، لیل آخان سئلدن قورخورام.
پاییزی چیمنلی قیشی قوراقلیق،
یازی قار کولکلی ایلدن قورخورام.

آجی دیلدن قورخمام هایى هویودو،
قلینده غرض یوخ اونون خویودو،
یاغلی دیل وار سامان آلتی سویودو،
فتنه سالان یاغلی دیلدن قورخورام.

قورخمرام قارشیمدا دوران دوشماندان،
قورخوم یوخدور اوخ قویولموش کاماندان،
وطن خاینین دن عارسیز ناداندان،
یالتاق ساتقین بد اسیلدن قورخوام.

زلی کیمی قان سوموروب شیشندن،
دوستون آیاغنین آلتین ائشندن،
ابلیس کیمی مین جور دونا دوشندن،
«عاطف» اوجور پیس نسیلدن قورخورام.

کارگر

روحوم تزه له نیر شاد اولور کؤنول،
هارددا اولسا سؤز صحبتین کارگر.
جیلوه له نیر گؤزلریمین اؤنونده،
گونش کیمی پاک تیتین کارگر.

مرجانا بنزه بیر آلیندا کی تر،
داملا سیندان داش دمیرده گول بتر،
قابارلی اللردن پیامبر (ص) اؤپر،
هر اورکده وار حؤرمتمین کارگر.

اؤلکه بیر بدن دیر، سن اونا اورک،
اورگه چیرپنیب چالیشماق گرک،
یورولماسین زحمت چکن قول یلک،
قوتله نسین قول قدرتین کارگر.

سنی یارادیدیر حی ذوالجلال،
روحوندا شبهه یوخ فیکرینده ملال،
قازاندیغین چؤرک حلال دیر حلال،
عبادتدیر هر زحمتین کارگر.

هنره صرف اتلدين عۇمور باھارين،
صنعت صحنه سينده وار افتخارين،
«عاطف» ثابتدير داغ تىك وقارين،
تورپاق كيمي دىانتين كارگر.

دە، عاطف، بىلىشنى ئۆزىگە
بىر تەرەپتىن تەلەپ قىلىپ،
بىر تەرەپتىن تەلەپ قىلىپ،
بىر تەرەپتىن تەلەپ قىلىپ،

بىر تەرەپتىن تەلەپ قىلىپ،
بىر تەرەپتىن تەلەپ قىلىپ،
بىر تەرەپتىن تەلەپ قىلىپ،
بىر تەرەپتىن تەلەپ قىلىپ،

بىر تەرەپتىن تەلەپ قىلىپ،
بىر تەرەپتىن تەلەپ قىلىپ،
بىر تەرەپتىن تەلەپ قىلىپ،
بىر تەرەپتىن تەلەپ قىلىپ،

بىر تەرەپتىن تەلەپ قىلىپ،
بىر تەرەپتىن تەلەپ قىلىپ،
بىر تەرەپتىن تەلەپ قىلىپ،
بىر تەرەپتىن تەلەپ قىلىپ،

كئف ايچينده

بىر بدن ده ايكي اعضا آيرى جور،
اوركك دۇيونتوده ديل كئف ايچينده.
دۇرد فصيل لر بىر - بىرينه باغليدير،
آيلار آهي زاردا، ايل كئف ايچينده.

بو درد اورگيمي يانديرير ياخير،
دميري پاس بشير ميسي ده پاخير،
هر درده دن بولاق چيخير چاي آخير،
دورو سو كدرلي، ليل كئف ايچينده.

اوندا كي ليلله نير سويو آرازين،
دوه سى قوش آلير هر كللك بازين،
اٹله كۆكله بىر كي زامانين سازين،
بمي آغى چالير، زيل كئف ايچينده.

درد اوركده گونو گوندن چاغلانير،
«عاطف» ين سینه سى چارپاز داغلانير،
ساچ هۇرو لور بورق - بوروق باغلانير،
ياناق اوسته گزیز تئل كئف ايچينده.

كۆنۈل

اورگىم تارلاسى غمدن سارالير،
حكيم سىز خستە تەك سوزالير كۆنۈل.
بۇ نە غىمەنە دىر بىلىمىم نەن،
ھەردن اللى، ساتىر يۈز، آلير كۆنۈل.

ھەردن گۈرۈلدەيىر، لىل آخان چاى تەك،
ھەردن سسى چىخىر كەنە ساراي تەك،
يىردن ايشىق ساجىر غۇمرە يىر آى تەك،
ھەردن دە شام كىمى جۈزالير كۆنۈل.

ھەردن ايلھام آلير اوندان كائات،
ھەردن قارا گىنىر ياس تۈتۈر حيات،
ھەردن كامان كىمى اولور ايكى قات،
ھەردن دە اوخ كىمى دۈزەلير كۆنۈل.

ھەردن دىنيز كىمى دالغاسى داشير،
ھەردن سو كۈتلۈقدا ياتير ياواشير،
ھەردن «عاطف» ايله دورور ساواشير،
چكىر كەنە دردىن تەزەلير كۆنۈل.

كىمى

كۆھنە آيرىلىغىن تەزە وصالين،
گۈر نىجە دادى وار بال قايماق كىمى.
اوسولغون ياناغىن قۇي اوزوم اوستە،
اوزاقدان گۈرونسون يىر ياناق كىمى.

اۋتن خاطرەلر خيالدان كىچىسىن،
كەدرلى حسرتلر اوركدن كۈچسون،
قۇي طالع آيرىلىق زىمى سىن بىچىسىن،
مەھبەت دۈزلسون يىر داراق كىمى.

گل عەھد و پىمانا وفالى قالاق،
آمان سىز فلكدن انتقام آلاق،
يىرلىكدە گۈل آچاق يىرلىكدە سولاق،
اولاق قىزىل گۈلدە يىر بوتاق كىمى.

«عاطف» دىئىر بوايقاردا، داياناق،
حسرت اويغوسوندان داھى اوياناق،
پىلتە يە ياغ كىمى يىر اودا ياناق،
حياتا نور سالاق يىر چىراق كىمى.

کیمی

فلک منی سئود یگمیدن آیردی،
 آتیندن دیرناغی آیران کیمی.
 باعث کارلار یاری مندن دویوردو،
 حاتم طائی آجلاری دویوران کیمی.

بونجه طالعدیر نجه اوغوردو،
 بودرد منی خمیر کیمی یوغوردو،
 هجران اودو منی ائله قووردو،
 بوغدانی ساج اوسته قووران کیمی.

«عاطف» یارین دنیا لار جا، سئیردی،
 قضا الی تختین یانا چئویردی،
 عشقین تمل توزون باشا، سوووردو،
 خیر مانچی حشمی سوووران کیمی.

گتیر میسن

گنجه ماحالیندان آی عاشیق مائس،
 حیات گولشانیم یاز گتیر میسن.
 آنام مهستی نین خزینه سیندن،
 دویمادیم پاییمی، آز گتیر میسن.

بابام نظامی نین حریتینی،
 آتام فضولی نین پاک نیتینی،
 مدرک نسیمی نین حقیقتینی،
 آراییب آختاریب دوز گتیر میسن.

عاشیق علسگردن، نؤورس، ایماندان،
 شمشیردن، داشقیندان، صمد و رغوندان،
 بو آنا یوردونا، حسین جاواندان،
 اورک دفترینده سؤز گتیر میسن.

جاوان حسین، وصیتین بیتیردین،
 اوندان یزه گؤزل خبر گتیردین،
 گولوستان باغیندان بیر گول گؤتوردون،
 بیلدیم نه مطلبه، اوز گتیر میسن.

آچدىن ختايى نىن سۇز بازارىنى،
 سىلدىن اورگىمىن غم غبارىنى،
 سەن ددە قورقودون يادگارنى،
 گۇتوروب سىنەندە ساز گتىرمىسن.

يۇن چىرىدىن قوربانى نىن ائلىنە،
 بولبول اولدون يىتىم عباس گولونە،
 سەن خستە قاسىمىن قورو گولونە،
 ياشىل باش سونالار قاز گتىرمىسن.

سەن گندە باسارىن قوچاقلارىندان،
 قوشقارىن كېزىن قوچاقلارىندان،
 اولو بابالارىن اوجاقلارىندان،
 «عاطف» اوجاغىنا كۆز گتىرمىسن.

گتىرمىشم

چوخدان كوسولويدوك گلدىم بارىشاق،
 آياق تورپاغىنا اوز گتىرمىشم.
 نىچە ايللىك نىسگىللىرى توپلايىب،
 بىر بوخچا نىسگىللى سۇز گتىرمىشم.

كۈنلۈم قوشو ياد، بوتاغاقونمايىب،
 سەن دۇنسندە، منىم اوزوم دۇنمەيىب،
 ھلە منىم عشق اوجاغىم سۇنمەيىب،
 اوركە منقلىندە، كۆز گتىرمىشم.

بىر غۇمور دارىخىب، سەن سىزلەمىشم،
 يادلاردان بوسىررى مەن گىزلەمىشم،
 ايلەك عشقىن يولونو، دوز اىزلەمىشم،
 آيرى دۇنگەلرىن دوز گتىرمىشم.

سالاندا باشىنا ھجران لىچكى،
 سارالدى «عاطف» مەن غۇمور چىپچىكى،
 اوخومار ساچلارى شۇە بىرچىكى،
 نىسگىللىر بوژاردىب بوژ گتىرمىشم.

گتیره نئیلیرم

وفاسیز یولداشی، ایلقارسیز دوستو،
خزل کیمی یئل گتیره نئیلیرم.
اورکدن حالیمایان آدام،
اوزده یاغلی دیل گتیره نئیلیرم.

محبت آلماسین بۇلندن سونرا،
اورکدن حۇرمتین سیلندن سونرا،
عزا مجلسیمه اۇلندن سونرا،
طایفا، ییغا ائل، گتیره نئیلیرم.

من ایله آغلایب گولمه‌ین دوستوم،
گۆزمون یاشینی سیلمه‌ین دوستوم،
ساغلیقدا قدریمی بیلمه‌ین دوستوم،
قبریم اوسته گول گتیره نئیلیرم.

«عاطف»ه یاس توتوب قارا باغلايا،
بولود کیمی گورولدايب آغلايا،
هارای چکه چایلار کیمی چاغلايا،
گۆز یاشیندان سئل گتیره نئیلیرم.

گل

آ یار، یایلاقلارا گرمه‌یه گلسن،
داغلارین ذیروه‌سی گولله‌نده گل.
خزانلا باغلانمیش بولبولر دلی،
چیچکله آچیلیب دیلله‌نده گل.

آچاندا داغلارین سوسن سونبولو،
بولبول قوجاغینا سیخاندا گولو،
گول عطری آلاندا چیمنی چۆلو،
طبیعت ننتی سی یئلله‌نده گل.

سحر شهین گول اوستونه دوزنده،
چیچکلردن مرواریلار سوزنده،
یاشیل باش سونالار گۆلده اوزنده،
سونبولر باش آچیب تئلله‌نده گل.

قاچیدیر داغلارین چنی دومانى،
اوجالیب عشقیمین آهی آمانى،
«عاطف»ی سن آتدین یوخسول زاهانى،
بارى شانس اوجالیب پوللاتاندا گل.

گلیر

طبیعت اوغلونون یاز آداخلی سی،
 گؤتوروب بیر اتک عشوه - ناز گلیر.
 دونیا اوزرینده یاشیل فرشینی،
 سالیب یوللارینا پای آنداز گلیر.
 بنؤشه دن دسته توتوب یاز گلیر.

نسیم خبر وئریر گله جگیندن،
 بیر آغ دون تیکدیریب قار چیچکیندن،
 نوروز گولو، آسیب گوی لهجکیندن،
 ساللانا ساللانا، سلب ناز، گلیر.
 بنؤشه دن دسته توتوب یاز گلیر.

شقایق دن بو گلینین یاناغی،
 یاس، گولوندن زرخدانی بوخاغی،
 قیزیل گولون غنچه سیندن دوداغی،
 ائله بیل سیلکینیب قوبا قاز گلیر.
 بنؤشه دن دسته توتوب یاز گلیر.

باغلار طاغ بزه ییب یول اوسته دوروب،
 گؤیه لک چمنده آلاچیق قوروب،
 اورمان قومرولاری قوناق چاغیریب،
 «عاطف» سینه سینده تئللی ساز گلیر.
 بنؤشه دن دسته توتوب یاز گلیر.

گۈرۈم

ياخامدان ال گۈتۈر قارائلىق گىجە،
قوى بىر جە، دان يىرى سۇكولسون گۈرۈم.
قارا كۈيىنگىنى چخارتسىن داغلار،
ظولماتىن بوخچاسى بوكولسون گۈرۈم.

قوى ايشىق داغيتسىن ظولمات چارداغىن،
سحر شىخى يوسون گولون يارباغىن،
گونش قولون، سالىن بوينونا داغىن،
قارائلىق دىز اوستە چۇكولسون گۈرۈم.

گونش بىر داغلار يىن ياناغىن اۋپسون،
بنۋوشە، عطرىنى اورمانا، سېسىن،
ظولمات اللرىنى قوينونا تېسىن،
آياغى يوردومدان چكىلسىن گۈرۈم.

بىر شىلىك ياراتسىن بىز اوچون حيات،
آل - ياشىل گىنىسىن بوتون كاينات،
چوروسون نىسگىلر تۇكولسون قات - قات،
شاد ليغىن تارلاسى اكيلسىن گۈرۈم.

بايقوشون يوۋاسىن داغيتسىن قارتال،
گىجە قوشو اوخوماسىن، دال با دال،
«عاطف» ميدان آچسىن بو طرلان خيال،
حسرتلر اوركدن تۇكولسون گۈرۈم.

گۈرون

كۈنلۈم سەمەسەندە بولۇد اويناير،
چىچەك سىز چەن سىز يازىمى گۈرون.
شىمشەك شاخىر گۈي گۈرۈلدۈر ياغىش بوخ،
قوراقلىقدان قالخان تۈزۈمۈ گۈرون.

نەسكىل آغار دىبىدەر كىپرىك قاشىمى،
غۇمور دىفترىندەن سۇرموب ياشىمى،
آيرىلىق سەپەندى آتەب داشىمى،
حەسەردەن يۈرۈلەن گۈزۈمۈ گۈرون.

حەيات مەنى سەيخەب دار قوجاغىندە،
داغ كىمى ياتىردىب قار قوجاغىندە،
دەئىر سەن قالمايەب قۇر اوجاغىندە؟
كۈلۈمۈ، گۈتۈرۈن، كۈزۈمۈ گۈرون.

زامان قارتال اندىب قارا مەلچەكى،
دەھى سەنچەككە اولمور يالان گەشچەكى،
آغارەب «عاطف» مەن باشى بىرچەكى،
حەلىمى سۈرۈشساز اوزۈمۈ گۈرون.

گۈل آچا

نە اولار بىر ياسا يازىلا حەقلى،
دوداق گۈلۈمەسە، اوزدە گۈل آچا.
كەسەلە اورماندان آيرى آغاجلار،
تەزە نەفس چەكىب دوزدە گۈل آچا.

قورا حەق دىۋانى تونقاللى اوجاق،
يەندەرا آيرىنى مەنى قوجاق - قوجاق،
نەسكىللى اوركەلر سەۋىنە آنجاق،
يەنانە اوركەلدە كۈزدە گۈل آچا.

آرزولار دىلەكلەر بولاق تەك آخا،
نەسكىلى سەۋىنچەن اودونا ياخا،
حەيات يەشىل لانا داشدان سۈ چەخا،
حەسەرت سونا چەتەب گۈزدە گۈل آچا.

«عاطف» بارماقلاردان دوشە باداقلار،
قەدەخلى دىللەردەن كۈچە ياساقلار،
سۈسۈقدەن قورتارا سۈسەن دوداقلار،
كەلمە چەچەكلەنە سۈزدە گۈل آچا.

گوندن

خیالیم چاشاراق فیکریم دولاشیب،
یاخشی لار یامانا قاتیلان گوندن.
ظولمو کار فلکین ظولوم شله سی،
مظلوملار بئیلنه چاتیلان گوندن.

صداقت آغاجی کؤکدن چورو یور،
گؤی یارباغی قاناد اوسته قورو یور،
یووشان قانادلانیر چؤلور بورو یور،
سورولر دیننده یاتیلان گوندن.

گیجیک اثوی اولوب اور کلریمز،
ریا اوسته کئچیب خیری شریمز،
ریا قاپیسیندا یاتیر نریمیز،
انسانلیغین داشی آتیلان گوندن.

بر کیب اور کلر دؤنوبدور داشا،
باخان یوخدور گوزدن آخان قان یاشا،
«عطف» رحم ائله میر قارداش - قارداش،
شرفلر وجدانلار ساتیلان گوندن.

محبتی

دویغو اور گیمده چیرپنیر دئیر،
گؤتور قلمینی یاز محبتی.
چرخ زامان قضا تقدیر آلانماز،
اور کدن هئچ زامان دوز محبتی.

گؤرسه اوز اوتانار، اوز آشناسیندان،
کاباب دا قوورولار کؤز آشناسیندان،
اورک قبول ائلر، سؤز آشناسیندان،
کؤنولده یئر سالار سؤز محبتی.

حسرت اوخون اور گیمه ناخدی یار،
سیزیلتی سین بند - بره مه یاخدی یار،
بیر اوغرون باخیشلا منه ناخدی یار،
منی درده سالیب گؤز محبتی.

احساسا ایلهام دیر ظولماتا مایاق،
اوچانا قاناد دیر قاچانا آیاق،
ایستیرسن آختاریب توتاسان سوراق،
آنالار قلیینده گز محبتی.

«عاطف» دنییر زامان حال به حال اولار،
گاهدان آجی هردن شیرین بال اولار،
یای، پاییز، قیش شیدا بولبول لال اولار،
بولبولو اوخودار یاز محبتی.

محمد (ص)

قلم ابتداده یازدی بسم الله،
سونرا یازدی شرح حالین محمد (ص).
اللهم صلی گلدی شأنیوه،
فیضه چاندی سنین آلین محمد (ص).

آلست لوحوندا یازیلدی آدین،
خالیق اوزو اولدو سنین اوستادین،
حق و حقیقتین قویدون بنیادین،
یارانمیشدا یوخ مثالین محمد (ص).

دونیانی آلمیشدی جهل و جهالت،
ایتمیشدی آرادا حق و عدالت،
پرده ی غیبتدن ختم رسالت،
گون تک چیخدی گول جمالین محمد (ص).

دونیایا گوز آچدی ختم مرتبت،
ملکدر و نردیلر بهشته زینت،
سیندی طاق کسرا چو خالیدی حیرت،
شهرت تاپدی جاه - جلالین محمد (ص).

قلم چالان گوزل چالیب قلمین،

لقب وثریب سنه محمد امین،

کرمینه قوربان صاحب کرمین،

نه گوزلدی خوش خصالین محمد (ص).

حراء کؤهولونده خالقی مُطْلَق،

نازل ائتلدی سنه سورهی عَلَق،

او خودون «بسم رَبِّكَ... خَلَقْ»^۲

درسین وثردی ذوالجلالین، محمد (ص).

گول اوزوندن نور اوجالدى سمايه،

حراء شکست وثردی طور سینایه،

او خودون سورهنی آیه به آیه،

اوردا آلدین اوز میدالین، محمد (ص).

«عاطف» م آدینی سسلرم، هر آن،

مذهمیم جعفری، کتایم قرآن،

کافر نصرانی لر گتیردی ایمان،

گؤرنده چینینده خالین محمد (ص).

^۲ - اقْرَأْ بِأَسْمِ رَبِّكَ الَّذِي خَلَقَ - خلق سورهسی بیرینجی آیه.

من

کؤنول گؤزگوسونده هر آخشام سحر،

عکسینی دینله ییب دانیشیرام من.

بیر جواب گؤرمورم کوسورم آنجاق،

دؤزمورم دوباره باریشیرام من.

گؤز ائوینده یثر سالیبدی گؤز لرین،

سینه م دفترینده، یازیب سؤز لرین،

اورک منقلینه عشقین کؤز لرین،

یغمیشان اود آلیب آلیشیرام من.

کؤنول باغچاسینا بیر گول اکمیشم،

گؤز یاشینی سو یثرینه تؤکموشم،

سنین شکلین یارباغینا چکمیشم،

خیالی اونونلا گؤروشورم من.

«عاطف» دئیر بو هیجرانا دؤزموشم،

غواص کیمی غم بحرینده اوزموشم،

سن دئمه کی سندن الیم اوزموشم،

هله ده احوالین سوروشورام من.

منہ

اقبالیم اویغودان بیر اویانمادی،
طالع پیس گؤستردی یازیلار منہ.
هئچ بیر ایستکلریم وارمادی باشا،
بوتون نسگیل اولدو آرزیلار منہ.

لغت بو طالعہ بئلہ اقبالا،
بنزیر، آغ بوخاقدا، گورونن خالا،
گؤیدن یثرہ گلہ نہ قدر بالا،
اقبال دفتریندہ یازیلار منہ.

اقبالی اوجالان خان اولار پاشا،
اونا قویو قازسان تتر چیخار داشا،
قازیلسا منیم تک باختی یاتمیشا،
«عاطف» قوما چیخار قازیلار منہ.

منی

بعضاً احساسیمدا دیوان قورولور،
چکیر محکمہ یه سؤالا منی.
ظولمکار دوستلارین، پیس عمل لری،
هردن سالیق فیکره خیالا منی.

کدریم اور کده قاینایان زامان،
چیر پینیر دؤیونور ائیلہ بیر فغان،
دیواندا آیلشن او دوغرو وجدان،
چکیر حراملیقدان حلالا منی.

عرضہ می یازازام شاہ مردانا،
اؤزو دیوان قورسون یاخشی یامانا،
قارقیش اولسون اؤزگہ حقیقین دانانا،
سالدی عؤمور بویو بو حالا منی.

«عاطف» گل داشین آت بو کین - کدرین،
اونوتما اور کدن اومود ظفرین،
بار ایلاهی کسمہ گیلن نظریں،
یشتیر معرفتله کامالا منی.

منیم

پای بۇلن بۇلندە سئوینجی غمی،
غم دوشدو پوشگومه پایما منیم.
آل یازما پاییز رنگی یاییلدی،
بیر اومود قالمادی پایما منیم.

پوزولسون فلگین بو طنطنه سی،
دیدی گولشانیما خزان نفسی،
بوغازدا بوغولدو اورگیم سسی،
کیمسه یتیشمه دی هایما منیم.

ایسته بیردیم یار دۋشونه گول دوزوم،
مخمل کۋتون یاخاسینا پول دوزوم،
مداریندان آخدی اقبال اولدوزوم،
بولود پرده چکدی آیما منیم.

«عاطف» باخ طالیم هارا یازیلیب،
فیزیل گول تک پوشگوم خارا یازیلیب،
اقبال دفتریمده، قارا یازیلیب،
نیسگیلر، هفته مه، آیما منیم.

نئیلیر

آلاه اونو گۋزل چاغدا یارادیب،
قارادیر قاشلارین وسمه نی، نئیلیر.
قارا بیرچک آل یاناغا بزکدیر،
قاشلارین اوستوندن کسمه نی نئیلیر.

ماوی گۋزلر دنیز تک لام، آخاند،
هردن منه اوغرون - اوغرون باخاند،
بیخیلیرام لپه لری شاخاند،
طوفانین قوزایب اسمه نی نئیلیر.

بیر بوستانی خوریاد الی سووماسا،
تاغلارینی آیاق آلتدا اووماسا،
باغوانلار بولبولو گولدن قووماسا،
بولبول دالداردان بوسمانی نئیلیر.

ازلدن من اونو جانان بیلیردیم،
کۋنلومون اودونا یانان بیلیردیم،
«عاطف» ین سیررینی قانان بیلیردیم،
یادینان دولانسا، بس منی نئیلیر.

وار منیم

«قرشا یار پای»

بینالی بیر داغام، گوللو یایلاغام،
یازی خوش نفسلی ایلیم وار، منیم.
بیر آخار بولاغام، اورگی آغام،
اثل نفّسلی جو شغون سثلیم وار، منیم.

طرلانی شکارلی، داغلاری قارلی،
باغچالاری بارلی، باغلاری نارلی،
تارلاسی، زومارلی، بوستانی، وارلی،
خالقنیا ایلقارلی، اثلیم وار منیم.

بیر لقمان نظرلی، درمان اثرلی،
قلیجدان کسّرلی، آلماس، هنرلی،
کلمه سی گؤهرلی، سؤزو شکرلی،
دوشمانا ظفرلی، دلیلم وار، منیم.

آی «عاطف»، جانانیم، جسدیم، جانیم،
داماریمدا قانیم، شهرتیم، شانیم،
مقدس مکانیم، آذربایجانیم،
محصوللو مغانیم، میلیم، وار، منیم.

وطندیر

دولانسام دونیانی آیاقدان باشا،
سوروشسالار، - ایلک عنوانیم وطندیر.
بیر قورو هئیکلم اونسوز دونیادا،
جسدیمده اولان جانیم وطندیر.

من اونا اوولادام، او منه آنا،
اتگینده گوز آچمیشام جهاندا،
حیاتیم، وارلیغیم، باغلیدیر اونا،
داماریمدا، گزن قانیم وطندیر.

قوجاغیندا بویا - باشا چاتمیشام،
بشیکینده، لایلا سینا یاتمیشام،
حلال امگیندن قانا قاتمیشام،
شرفیم، شهرتیم شانیم، وطندیر.

اولو بابالاردان قالب یادگار،
«عاطف»، دانیشماغا آنا دلیلم وار،
یوردوم آذربایجان اثلیم آرازبار،
یاشیل بایراق او ایرانیم وطندیر.

هني

اور گيم اويغوندور آچان لاله يه،
فلک چکيب آراسينا داغي هني.
هيجران اودو ياندير يبان اريديب،
قالمايبيدي اور گيمين ياغي هني.

وولقان تک پوسگورور اور گيم اودو،
ياغيب سؤندورنمير گؤيون بولودو،
آلاهدان سونرا يوخ، باشقا اومودو،
اولور گونوگوندن غم اور تاغي هني.

گوز گوم کاسلانيبيدي گؤسترمير تمير،
گؤزومون ياشيندان چورويور بنيز،
اور گيم اولوبدو دالغالي دنيز،
چيرپيلير داشلارا چالپاناغي هني.

«عاطف» له دوز دئمير بو چرخ بو فلک،
ايشلري هر زامان قورغودو کلک،
اؤزون حسابلاير گناهسيز ملک،
گتيرير باشيما فيريلداغي هني.

يارانيب

يارادانين، ايشلرينه حيرانام،
خثيرده يارانيب، شرده يارانيب.
اور کلر يارانيب غمکش، آزارکش،
عاغيل، درک، هوش دا، شرده يارانيب.

بيرينه ناموسو، غيرتي، وئريب،
بير آز کنچينه جک، ائيرتي، وئريب،
بيرينه توکنمز دؤولتي وئريب،
يوخسوللار، وارلي يا برده يارانيب؟

انسانلار يارادير هر وخت زاماني،
گوناهکار تانيير انسان انساني،
آلتون، آلتدا قالير حاققين ديواني،
ييلمم حاق، عدالت، زرده يارانيب؟

حيالي قارشيندا، قالتاق گؤرونور،
اوجانين اؤنونده آلچاق گؤرونور،
باشين توکو سايي يالتاق گؤرونور،
تک - تک جانندان کنچن ارده، يارانيب.

«عاطف» بو دردلدن قوجالانیبیر،

حیات اوجاغینا سو جالانیبیر،

ناحاق آیاق توتوب اوجالانیبیر،

حقیقت اوستونه پرده یارانیب.

یاسا باتدی

(عاشیق عبدالعلی نوری نین اولومونه)

بیر ائلدار دونیاسین دیشدی آنجاق،

اونون فراقیندا ائل یاسا باتدی.

قلبی ائل نغمه سی دئدیگی یثرده،

دوداقلار تیره دی دیل یاسا باتدی.

محبّت باغینین گۆی سارماشیغی،

مجلس لر بزگی توی یاراشیغی،

دونیانی ترک ائندی بیر ائل عاشیغی،

آیلار ماتم توتدو، ایل یاسا باتدی.

بو خبر یاییلدی آذربایجانا،

باکی یا تیفلیسه شکی شیروانا،

نیسگیل یئلی اسدی داغا آرانا،

موغانی غم توتدو، میل یاسا باتدی.

غفیلدن شیغادی آجل شاهبازی،

خزان یئلی کیمی سولدوردو یازی،

بیر عؤمور سئوینجه دیلله نن سازی،

بمی آغی دئدی، زیل یاسا باتدی.

اوغور سوز بیر کولک اسدی گولشانا،
عومور یازین چولغالادی خزان،
«عاطف» سسدن دوشدو گوللرده سوتا،
بولبول قارا گئیدی، گول یاسا باتدی.

یئتیر

سحر یئلی منیم عرض حالیمی،
بیر حزین سسیله ائلره یئتیر.
اورک سوزلریمی منیم دیلیمجه،
درد آنلایان اهلی دیلره یئتیر.

کیمسه من یازیقدا توتارسا سوراق،
سؤیله آياغیندا واردی قاندالاق،
اونا همدم اولوب بیر اودلو فراق،
آیلاری سوزو شوب ائلره یئتیر.

حسرت قالان ایچ باهارد سونبوله،
حیات باغچاسیندا سارالان گوله،
گولولستانی پوزغون اولان بولبوله،
عرضیمی او طوطی دیلره یئتیر.

«عاطف» ین سوزلرین حاقلی گترچکلی،
خزان وورموش باغ تک پوزغون بیرچکلی،
او اورگی دردلی قارا کچکلی،
گوزو یولدا قالان، دیلبره یئتیر.

معراج نامه

معراج نامه

بشله، خبر وثریر قرآن کریم،
«اسراء» سوره سینده واردیر بو حکمت.
جبرائیل بشارت وثردی احمده،
خالیقین معراجہ ائیلہ ییب دعوت.

بُراقی گؤندردي حی کردگار،
جبرائیل بُراکه اولدو جیلوودار،
اسرافیل احمدی ائیلہ دی سوار،
معراجا یوللاندی ختم رسالت.

مسجد الحرامدا آلدی دستماز،
مسجد القصادا اولدو پش نماز،
بوتون انبیالار اولدو سرافراز،
معراجہ گئندنده ختم مرتبت.

طور داغینا قدم قویدو پیامبر (ص)،
سینانی ائله دی نوری منور،
اولینجی، گؤیه یتشدی خبر،
ملکدر وثر دیلر گؤیلره زینت.

پیشوا زینا چىخدى حضرت عيسى (ع)،
 زیارت ائيله دی حضرت موسی (ع)،
 ابراهیم (ع) سؤیله دی أحسن مرجبا،
 یحیی (ع) پیامبری ائتدی عیادت.

ایکینجی عالمه قویاندا قدم،
 گۆردو آيله شیدیر باباسی آدم (ع)،
 شوکور ثنا اندیر اوردا دمام،
 سلام عرض ائيله دی رسول رحمت.

کئچدی، سمالردن یتیشدی عرشه،
 ملاکه لر حیران قالدی بو ایشه،
 بوتون انبیالر گلدی گۆروشه،
 اوردا خالیقیله باشلاندى صحبت.

ننچه دریا گۆردو یارانیب نوردان،
 آذان سسی گلدی بیت المعموردان،
 بیر ندا یتیشدی حی غفوردان،
 باش قویدو سجده یه ائتدی عبادت.

او بیت المعموردا باشلادی صلات،
 حقندن محمد (ص)ه گلدی صلوات،
 او ذکرى سؤیله دی ارض سماوات،
 اوردا دانیشیلدی مین کلمه خلوت.

عبادت انسانین باشینین تاجی،
 خوش عملدیر قبر ائوینین سراجی،
 «عاطف» نماز مؤمن لرین معراجی،
 حقیقتدیر، حقیقتدیر، حقیقت.

اولدوم

بئله قرار قويوب شريک سيز الله،
جانندان - جانا سو سوزولدو قان اولدوم.
اوج آي ليقددا شکلی نقشيم قورولدو،
دورد آي ليقددا نفس گلدي جان اولدوم.

روح پيله نن چاغدا جانيم چاليشدي،
گؤبه گيمرن روزيم گلدي چاتيشدي،
زامان کئچدي سککيز آييم اؤتوشدو،
دوققوز آي قورتاردی بی مکان اولدوم.

امر اولوندو اوزو اوسته سوروندوم،
آلدن آله بير پارچايا بوروندوم،
دونيا اوزره هر بير گؤزه گؤروندوم،
يوردومو ياد گؤردوم پشيمان اولدوم.

دونيامي ياد گؤردوم حيرتده قالديم،
آغلاديم چيغرديم آل آياق چالديم،
آنادان محبت عطرينی آلدیم،
جان دئدی ائشيتديم مهربان اولدوم.

وجود نامه

چولغادی پارچایا گۆتوردو ماما،
آتامین ایسته گئی یتیشدی کاما،
سؤیله دی بیر آد دئیلسین بالاما،
بیر قطره یدییم اوندا بیر عمان اولدوم.

آلدى قوجاغینا دئدی بسم الله،
اشهد ان لا اله الا الله،

آدیمی سسله دی دئدی عبدالله،
اوندا فرحله ندیم بیراوغلان اولدوم.

بش آی تمام بله جه یه بوروندوم،
آلتی آیدا قارنیم اوسته سوروندوم،
دوققوز آیدا آياق اوسته گۆروندوم،
اون ایکی آیمدا یول قانان اولدوم.

بیر یاشیمدا آنام یریتدی منی،
ایکی یاشدا یاخشی اؤیرتدی منی،
اوج یاشیمدا هر سؤز سؤیله تدی منی،
بیر شیرین لهجه لی خوش بیان اولدوم.

دؤرد یاشیمدا محبته ساریشیدیم،
بش یاشیمدا اوشاقلارا قاریشیدیم،

آلتی یاشدا هر نه دئدیم دانیشدیم،
سؤزو اجرا اولان بیر سلطان اولدوم.

یئددی یاشدا آياق قویدوم مکتبه،
سککیز یاشدا اورک وئردیم مطلبه،
دوققوزوندا فیکیرله شدیم مذهبه،
اون یاشیمدا گۆزل قرآن خوان اولدوم.

سیننیم دولدو اون بیر، اون ایکی یاشا،
آشنالاشدیم هر قوموما قارداشا،
اون اوج اون دؤرد یاخینلاشدیم یولداشا،
یاواش - یاواش گلیب سؤز قانان اولدوم.

اون بش ده پسینن یاخشینی قانیدیم،
اون آلتی دا پیس ایشلردن اوسانیدیم،
اون یئددی ده حقیقه اینانیدیم،
هر یرده معرفت آختاران اولدوم.

اون سککیزده تاپدیم ادب ارکانی،
آنلادیم مرامی مقصد مکانی،
حؤرمتلی تانیدیم هر بیر انسانی،
ائل طایفا ایچینده بیر جاوان اولدوم.

دولانديم اوبانی ائلی محالی،
اون دوققوزدا تاپدیم معرفت کمالی،
اییرمی یاشدا سنچدیم حرام حلالی،
حقیقت آختاران مسلمان اولدوم.

آیاغیم آچیلدی عشقین باغینا،
آچان غنچه سینه گوی یارباغینا،
بولبول کیمی قوندوم گول بوداغینا،
قومرو تک دیل آچیب غزل خوان اولدوم.

زaman یئتشدیردی اییرمی بیر یاشی،
آنام اولدو اور گیمین سیرداشی،
تاپدی منیم اوچون حیات یولداشی،
دوניה زحمتینه دایانان اولدوم.

اییرمی ایکی ده اولدوم صاحب اؤولاد،
گؤز آیدینلیق دئدی قوهوم قارداش یاد،
آچدی اقبال قوشوم گؤیلرده قاناد،
اور کدن سئوینیب شادمان اولدوم.

خوش کئچردی گونوم اییرمی بشش ایلی،
آییردی آنادان آروادین دیلی،
گون به گون آرتیردی حیات موشگولو،
بوغداسی یاش گلن ذییرمان اولدوم.

گئجه گوندوز اوج ائيله دی تلاشیم،
دونیانین ایشینه قاریشدی باشیم،
بیر زaman گؤز آچدیم اوتوزدور یاشیم،
قایسی اولمایان بیر دوکان اولدوم.

اوتوز بشده دوشدوم یولون آغینا،
آرخا چؤندو جاوانلیغین چاغینا،
یاواش - یاواش گیردیم عقلین باغینا،
انسانلار جرگینده بیر عنوان اولدوم.

قیرخ یاشیمدا کامل یئتیشدی عاغلیم،
حیاتیم خوشودور وجودوم ساغلیم،
نشانلادی قیزیم ائولندی اوغلوم،
کئچمیش عمللردن درس آلان اولدوم.

قىرخ بىششە دىزىمدە واريدى طاقت،
 بوتون اهل عيالىم ائيليردى طاعت،
 دولانيردى ائودە گۈزل صداقت،
 باغى بارا دولموش بىر باغوان اولدم.

لعين شيطان بىر سۆز سالدې آرايا،
 باخمادىلار نه آلاھا تارى يا،
 حۇرمەت قويما ديلا قوجا قارى يا،
 اوندا گۇردوم سرگى قورويان اولدوم.

دوشمە ميشديم آروادلارين فعلىنه،
 عاغليم اودوزدوردوم ياغلى دىلىنه،
 اختياريم كىچدى نادان آلىنه،
 تاغلارى قوروموش بىر بوستان اولدوم.

اللى ياشدا باخديم آغ ساققالىما،
 غم شلهسى باغلانميشدى دالىما،
 اللى بىششە قالدېم اۋز احوالىما،
 تاپىنجا بىر سىرداش يارىجان اولدوم.

آلتىمىش ياشا دولدوم آى داد بى داد،
 داغلىدى باشىمدان قالمادى اۋولاد،

قىز گلېن يئرينە دولاندى آرواد،
 جوجەسى آيرىلمىش ھىدرخان اولدوم.

آلتىمىش بىششە اولدوم سۆزلو سۋاللى،
 بىر سىنىق كۆنۈللۈ خستە خياللى،
 كىچىندە عۇموردن ايرىمى اللى،
 اوۋچو اليندن دوشموش بىر كامان اولدوم.

يىتمىش بىششە چاتدى بلالى باشىم،
 قالمادى بىر نفر باجىم قارداشىم،
 گون به گون اوچولدى ديوارىم داشىم،
 اوچولموش ديوارا نىگھبان اولدوم.

ھىشتادا دايىتتىدە گۈرمەدى گۈزۈم،
 سوروندو آياغىم تىترەدى دىزىم،
 ائودە اۋولادىما كىچمەدى سۆزۈم،
 سىملرى قىرىلمىش سۇخندان اولدوم.

ھىشتاد بىششە اليف قەدىم بو كولدو،
 آرزولارا قىرمىزى خط چكىلدى،
 عۇمور كىچدى اومود طاغى سۇكولدو،
 قانادى يولونموش بىر طرلان اولدوم.

دوخسان یاشدا رختخواییم سالیندی،
دوخسان بشده اجل طبلی چالیندی،
آللاه‌دان امر اولدو جانیم آلیندی،
قطاردان آیریلمش بیر سروان اولدوم.

اوغلو مو گؤرنده گلدی هوسیم،
چوخ تلاش ائيله‌دیم چیخمادی سسیم،
روح بدنن چیخدی قالدی قفسیم،
گوللری تۆکولموش بیر تیکان اولدوم.

قوهوم قارداش گلدی توتدولار شوون،
یالاندان آغلایان باشینا دؤین،
تاپپ گتیردیلر بیر اؤلویویان،
کاروانی یوللانمیش بیر مهمان اولدوم.

یالواردیلار گورکن تتر اول قبری قاز،
ملا گتیردیلر قیلیندی ناماز،
قبر ائوینه گلدیم دی بیر آز - بیر آز،
قالدیم تورپاق آلتدا ناتوان اولدوم.

«عاطف» موغایات اول قبر ائوی یاشدی،
آلت طرف تورپاقدی، اوستونده یاشدی،
بونندان سونرا عمل سنه یولداشدی،
قیامت حالیندان هراسان اولدوم.

گرایلی لار

اولماسا

بولبول گولدون آیری دوشمز،
 گول یانیندا خار اولماسا.
 اورک لره داغ چکیلمز،
 اگر ظولموکار اولماسا.

اجل گلسه سورماز یاشین،
 سؤکر عؤمرون تمل داشین،
 مغلوب اولار یوز مین قوشون،
 بیلکلی سردار اولماسا.

عارف اشاره دن قانار،
 یاش قورو، اودونا یانار،
 اولکه قانا چولغالانار،
 عادل حوکمدار اولماسا.

انسان اولان آرا قاتماز،
 شر بهتانی اوجالاتماز،
 «عاطف» دوستلوق باشا چاتماز،
 دوز عهد - ایلقار اولماسا.

داغلار

زامان منی چوخ اینجیدیب،
دردیم گلیب جوشا داغلار.
قوی آچیم اورک دردیمی،
سن کیمی سیرداشا داغلار.

باخ باشیمین شوداسینا،
زامان سالان غوغاسینا،
سالیب دنیز دالغاسینا،
چالیر داشدان داشا داغلار.

اورک چالیشیر قفسده،
درد الیندن دوشوب خسته،
فلک چکیب سینهم اوسته،
داغ دویونو قوشا داغلار.

گیلئیلیم روزگاردان،
منی آیری سالیب یاردان،
گؤز یورولوب انتظاردان،
ویردین وئریب یاشا داغلار.

بولبول قالیب گوله حسرت،
سونا قالیب گوله حسرت،
جیران باخیر چوله حسرت،
عؤمور چاتیر باشا داغلار.

باخ «عاطف» ین بو چاغینا،
نیسگیل آلیب قوجاغینا،
سالیب هجران اوجاغینا،
آز قالیر آلیشا داغلار.

سئوداسیندان

اور گیمه لکه دوشوب،
بیر وفاسیز سئوداسیندان.
گۆز لریمه اویغو گلیمیر،
ناکام عشقین خولیا سیندان.

یوخ دور سیر بیلن سیرداشیم،
قانا چئوریلیب گۆز باشیم،
همیشه آغرییر باشیم،
سونسوز عشقین هاواسیندان.

باغ اکدیم بارین درمه دیم،
گولوندن یارا، وئرمه دیم،
دردیمه چارا گؤرمه دیم،
حکیم لرین داواسیندان.

«عاطف» بوشوگی دونیاسی،
اولوب غمرون معماسی،
طوفاندير عشقین دریاسی،
کچمک اولمور آداسیندان.

قوربان اولوم

وطنیمین اتحادلی،
ملتینه قوربان اولوم.
سککیز ایلده گؤسترديگی،
همتینه قوربان اولوم.

آزادلیق سئون انسانلار
اثلین دردینه قالانلار،
گؤیده گزن خلبانلار،
غیرتینه قوربان اولوم.

دریا قعرینه دالانلار،
مردلیک مدالین آلانلار،
سودا، اوزن ملوانلار،
عزتینه قوربان اولوم.

ایمانیندان گوج آلانلار،
شان شهرتی، اوجالانلار،
شاه باشیندان تاج آلانلار،
هیبتینه قوربان اولوم.

ارتش سپاه شهربانی،
اۆلكه ميزين نگهبانی،
گنجه - گوندوز چالیشانی،
قدرتینه قوربان اولوم.

دین یولوندا قوربانلارین،
حاققا چاتان انسانلارین،
لاله بیتیرن قانلارین،
تربتینه قوربان اولوم.

گون تک داغ دالیندا باتان،
دونیانی گۆزوندن آتان،
قانلی تورپاقلاردا یاتان،
زحمتینه قوربان اولوم.

لاله تک باغیری قان اولان،
هئیوا، تک رنگی سارالان،
قازامات کونجونده قالان،
ذکیتینه قوربان اولوم.

اوقانادسیز شاهبازلارین،
نیسگیل اولان موراقلارین،
«عاطف» دئیر جانبازلارین،
محنتینه قوربان اولوم.

قوربان اولوم

طبیعتین تزه آچان،
گوللرینه قوربان اولوم.
اثل دردینی یازان شاعیر،
اللرینه قوربان اولوم.

اله بیاض دفتر آلان،
اثل دردینه قلم چالان،
اثلینین دردینه قالان،
اثللرینه قوربان اولوم.

حقیقتی حاقلا یانین،
آرخا داشین، یوخلا یانین،
آنا دیلین ساخلا یانین،
دیللرینه قوربان اولوم.

بودور «عاطف» ین موراخی،
چیچک، آچا وطن یازی،
«صداقت» چال تثللی سازی،
تثللرینه قوربان اولوم.

گلر

کۆنول! یارانمیش اوغرونا،
خیر گلر، شرده گلر.
دوشونجه لی انسان قلبی،
اثل دردیندن درده گلر.

زامان سنله دوز دئمه سه،
گیزلی سیررین سالما سسه،
بیر آرخینان سو گلیسته،
امیدوار اول، بیرده گلر.

گۆز تیکمه اؤزگه پایینا،
آللاه مال وثرمز خایینا،
ارنلر مردین هایینا،
دارا دوشن یثرده، گلر.

باخ اوجا داغلار بو یونجا،
یارانییدیر آلچاق اوجا،
قارانلیق گئجه آردینجا،
نورساچان سحرده گلر.

سو یولوندا سینار کوزه،
«عاطف» سورغو یوخلور دوزه،
دوستا خایین باخان گۆزه،
حق تعالی دان پرده گلر.

گۈزل

دیندیریرم دانیشمیرسان،
 اوخشاییرسان لالا، گۈزل.
 طبیعتدن گول آچیدیر،
 یاناغیندا لالا گۈزل.

اورگیم دریاسی داشیر،
 خیال داغلاریمدان آشیر،
 باخاندا گۈزوم قاماشیر،
 یاناغیندا خالا گۈزل.

یوللارینا گۈز تیکرم،
 اورگیمه درد اکرم،
 نه قدر اولسا چکرم،
 سندن گلسه بالا گۈزل.

جمالیندیر حاق سیراجی،
 حُسنون اورگیم معراجی،
 آیریلیق زهردن آجی،
 وصال بنزر بالا، گۈزل.

چیچک آچار عؤمور یازیم،
 کؤکدن دوشمز اورک سازیم،
 «عاطف» م بودور مورازیم،
 یشمه یه زاوالا، گۈزل.

گولہ سندہ

(آفاق نجیب)

کونول نیہ ورغون اولدون،
بولبول کیمی گولہ، سندہ.
تیرہ بیرسن یارہاق کیمی،
یئل ورائدا گول، اسندہ.

بعضاً گۆز کیمی دولورسان،
غم یئلہ تثر سولورسان،
شہ دوشندہ شاد اولورسان،
آغلایاسان، گولہ سندہ.

«عاطف» گل اولما پریشان،
زمانہ ده بودور نیشان،
قیما قلیین اولاشان - شان،
قوی اورگین گولہ، سندہ.

من

شکلین اورک گوزگوسونده،
هئی باخیرام گورورم من.
سنسیز غمرومون کاروانین،
چوخ نیسگیلی سورورم من.

خاللارینا وورولموشام،
اٹل طایفادان قیریلیمیشام،
چوخ آغلایب یورولموشام،
بی عار - بی عار گولورم من.

صیادام اوو بره سینده،
کؤنلوم شکار هو سینده،
عشقین پولاد قفسینده،
حبس اولوبان چورورم من.

غم لشکری دسته - دسته،
اوتراق سالیب سینهم اوسته،
«عاطف» م دوشموشم خسته،
اینان کی جان وئریم من.

من سیزلادیم یار آغلادی

آیلار ایلر سؤووشموشدو،
ایکی کونول قووشموشدو،
آرامیزا هجران دوشدو،
من سیزلادیم، یار، آغلادی.

ناچار قالب گئن دولاندیق،
ایچریدن آلوولاندیق،
ایکیمیز بیر اودا، یاندیق،
من سیزلادیم، یار، آغلادی.

اور گیمیز، پارچالاندی،
آرامیزا اود جالاندی،
اینیلیمز اوجالاندی،
من سیزلادیم، یار، آغلادی.

ظولم اوخونا نشان اولدوق،
پارچا - پارچا، شان - شان اولدوق،
«عاطف» بیز پریشان اولدوق،
من سیزلادیم، یار، آغلادی.

وطن

یارانیبیر تورپاغیندان،
بوجسدیم جانیم، وطن.
سنین عشقینله دولانیر،
داماریمدا قانیم وطن.

دوشمانلاردان باج آلسامدا،
شاه باشیندان تاج آلسا مدا،
شهرتله نیب اوجالسامدا،
سنسن شهرت شانیم وطن.

اولسام هر بیر بو جاغیندا،
اود، اوغلویام اوجاغیندا،
من جان وثریم قوجاغیندا،
سن یاشا ایرانیم وطن.

کؤنلونو کدر آلماسین،
یاشیللیق باغین سولماسین،
«عاطف» م سنسیر اولماسین،
بیر دقیقه م آنیم وطن.

بو قیز

ساللانا - ساللانا گلیر ائله ییل مارالدی بو قیز.
خوش ساعاتدا یارانیدیر بیر حوری مثالدی بو قیز.
اوغرون باخیب گولومسه دی عاغلیم باشدان آلدی بو قیز.
گوزلری عشقین یاتاغی قاشلاری هلالدی بو قیز.
یاناغیندان شعله ساچیر گورنه مه جامالدی بو قیز.

صد آفرین خالقینه نه گوزل انسان یارادیب،
دوروشوغو طاووس کیمی باخیشدا جیران یارادیب،
کورک ائتلی، کمر اینجه، سینه سین میدان یارادیب،
طوطی دیللی صحبتی خوش بیر غنچه داهان یارادیب،
سوزو شکر کلمه سی دورر دوداقلاری بالدی بو قیز.

سحر - سحر عزم ائله ییب سیر گولوستانه گلیر،
سیاه زلفلر دال گردنده دوزولوب یان - یانه گلیر،
ییبیدیر کؤنلوم ائوینی ائله ییب ویرانه گلیر،
گئنیب ییلقیس کیمی کاخ سلیمان گلیر،
«عاطف» وصفین یازا ییلمز ائله پر کمالدی بو قیز.

مخمس لر

اولا

«زنجیر لہ مخمس»

اٹلہ بیر گوزل سٹوہ سن آی کیمی جامالی اولا.
 اوجا بویلو مینا گردن باشدا تیرمه شالی اولا.
 قاشی کامان کیر پیگی اوخ یاناغیند خالی اولا.
 سینہ میدان کمر اینجه عصمتلی حیالی اولا.
 بیرواراسان اوتاغینا،
 سیغیناسان قوجاغینا،
 اوز قویاسان یاناغینا،
 دیل سورته سن دوداغینا،
 دوداقدان بالی،
 سوزہ خیالی،
 سووروشہ شالی،
 گزرونہ خالی،
 آشکارا چیخا،
 او مه جامالی،
 عارف اولا اشارہ یلہ اور گیندن حالی اولا.

بیر گئجہ قوناق اولاسان بٹلہ لیلی مثاللی یا،
 قدرتیدن خلق اولونموش یاناغی قوشا خاللی یا،
 عشقی تمیز اورگی پاک بیر قاراداغ ماحاللی یا،
 جانی صاداغا وثره سن او زولیکھا جاماللی یا،
 آچیلہ عشقین داستانی،
 چیچکلنہ گولوستانی،
 بارا دولہ باغ بوستانی،
 ناری آییلدا خستہ نی،
 گول اوزلو، یارین،
 نازلی، نیگارین،
 اوزہ سن نارین،
 ایلکک نوبارین،
 یاشیل دون گیہ،
 عؤمور باہارین.
 باختین چکہ بو نیشاندا معرفت کامالی اولا.

آچاسان اورك دفترين بير بئله نارلى ديلبره،
 جان انشيديب جان دئيه سن سون قوياسان غم كدره،
 عشقله دؤوران سوره سن عؤمور گئتمه يه هدره،
 آرزىلارين چيچك آچا حيات اولا خوش منظره،
 «عاطف» سؤزون مختصرى،

آچىلا عشقين دفترى،
 آيدىن لاشا سطرلرى،
 سئوينج آلا اوركلرى،
 آچىلا صُحبت،
 دوز اولا تيت،
 يارانا «عؤرمت»،
 دوز گون محبت،
 ياشايش اوللا،
 مثالى جنت.

بو جاءالدا بو كامالدا، عهدينه وفالى اوللا.

دردلشمه لر

گلدى

«شاعیر نجفین شاعیر عاطفہ یازدیغی شعر»

شاعیر عاطف قوشمانیزی ائشیتدیم،
دوشوننده باخ باشیما زور گلدى.
اور گیم دایاندی خیالیم چاشدی،
دوشگون چاغی گۆزلریمه تور گلدى.

علسگرسن قوربانى سان گۆزومده،
باغیشلايین غلط اولسا سۆزومده،
بیر جسارت تاپيلمادی اۆزومده،
«سین» حاضیردی اوز به اوزه گور گلدى.

وورغون کیمی یاییلیبدیر آدینیز،
من «نجفی» سیز بلمه یین یادینیز،
ایسیده جک اللریمی اودونوز،
سیز دئمه یین بو تبریزه کور گلدى.

یاغیر

«شاعر نجفہ جواب»

شاعر نجف منیم اورک یولداشیم،
شعرلریندن گۆهر یاغیر دور یاغیر.
آی چیلغین اورکلی شعر قلمداشیم،
سۆزلریندن اور گیمه نور یاغیر.

چرخى دؤنسون بو ظلموکار فلگین،
ناکام قالب آرزیلارین دیلگین،
وولقان تک پوسگورور کؤورک اورگین،
هر کلمه نندن آلوو قالخیر، قور یاغیر.

ارنلردن بیزه بئله خبردی،
دوניה، قانانلارا، غمدی کدری،
دردینه باغلیدیر «عاطف» ین دردی،
گۆز یاشلاریم نئیشان کیمی گور یاغیر.

ایستیر کۆنول

نی کیمی ھنی سیز لاییب یاره وصال ایستیر کۆنول.
دردلی دیر ھنی درینه بیر اهل حال ایستیر کۆنول.

لیل سو ایچره غرق اولان ماھی کیمی ھنی وورنوخور،
آب حیوانی سکندر تک زولال ایستیر کۆنول.

ناصری بیهوده درمان، ائیلہ ینمز دردیمه،
واقیف اسرار اولان بیر پُر کمال ایستیر کۆنول.

آرزوی وصل جانان، آفتی جاندیر، ولی،
الده جان نقدین توتوب، هر ماه سال، ایستیر کۆنول.

حسرت وصل نگار، صحرائی عشقین یولچوسو،
قیس تک دیوانه وار، لیلی مثال ایستیر کۆنول.

حُسن دنیا چوخ گۆزل، آنجاق اونا وورغون دئییل،
نور خورشیدن گۆزل، بیر مه جمال ایستیر کۆنول.

لعل لب، غنچه دهان، دور کلام، جیران باخیش،
کهریگی اوخ قاشلاری بیر نو هیلال ایستیر کۆنول.

من گدای کوی عشق اولدوم کی شاهی گۆرمگه،
سن دئمہ «عاطف» کی اوندان مُلک مال ایستیر کۆنول.

غزللر

کاش بيله يديم کي ازلدن نئجه انسان سان آنا.
فيکر ائديرديم هامی تک فرد مسلمان سان آنا.

بيلمه ميشديم بوراجاق درک ائله يم قرآنی،
آنلاديم کي يازيلان آيه ی قرآن سان آنا.

آياغين آلتدا اولورموش کي بهشتين آچاری،
ايندی ييلديم کي عجب مالک رضوان سان آنا.

حق وئريیدی سنه بو عشق و محبت درسین،
هزتين چوخدو سنين لایق احسان سان آنا.

خواب غم توتموشودو گوردوم او رؤیادا سنی،
عرض معنادا خدا مظهر ایمان سان آنا.

چيخار افلاکه او گون کونلومون آه و فغانی،
دولار اشکیله گوزوم گورسه پريشان سان آنا.

شيرهی جانين اولوب «عاطف» ين آب حياتی،
فخر ائله، درگهی حقه نئجه باغوان سان آنا.

ایسته مم

سنو گيليم من سندن آیری اوزگه جانان ایسته مم.
وئرسه لر سنسيز منه تخت سلیمان ایسته مم.

تیر مژگانين له توکسن قانیمی هیچ اوف دئمهم،
توک چکینمه قانیمی من قانیمه قان ایسته مم.

چون طبیی عشقس منده سنين بیمارینام،
سن اولان یترده داها من آیری لقمان ایسته مم.

کیمسه درمان ائيله یه نمز دردیمه بودهرده،
دردیمین درمانی سنسن اوزگه درمان ایسته مم.

گر نصیب اولسا منه اول وجه رویون وصلتی،
جنت آرزو ائيله مم هنج باغ رضوان ایسته مم.

جان امانتدير جیبیم من امانت داری یم،
ایسته سن هر واخت اونو بیر آنلیق امکان ایسته مم.

شهریارا حکمران سان «عاطف» ين جان ملکونه،
کونلومون سلطانی سنسن غیر سلطان ایسته مم.

اولموشام

دالمشام غم بحرینه من غرق امواج اولموشام.
چوخ ریاضت چکمشم هر تیره آماج اولموشام.

باشآیب ظالم لرین قارشیندا یالتاقلانمادیم،
قلعه‌ی فولادیدیم ظولم ایله تاراج اولموشام.

گاه سالیب سجاده‌ی عشقی سینیق کؤنلوم آرا،
مسجد الاقصی کیمی من راه معراج اولموشام.

یوسف کنعان کیمی ظولماتلی چاهدان قورتاریب،
مصر بازاریندا من قیمت سیز حراج اولموشام.

بس انا الحق سؤیله‌ییب محکوم دار اولدوم بوگون،
سنگسار آلتدان چیغیب منصور حلاج اولموشام.

روزگارین صحنه‌سین -چوخ گزمیشم شطرنج تک،
مات اولوب گاه مات اندیب آخردا لیلای اولموشام.

باختی یاتمیش صرافام «عاطف»، ایتیردیم گؤهری،
تقدیره تسلیم اولوب، سرآجه محتاج اولموشام.

ساخلا میشام

یار سنین گلمه‌گینه آغ بیر اوتاق ساخلامیشام.
گۆرمه‌ییب کیمسه اونو گۆزدن ایراق ساخلامیشام.

دوزدور جان مولکونو غملر آپاریب غارتده،
ولی کؤنلوم انونینی یارا یاتاق ساخلامیشام.

شکلیوی نقش ائله‌ییب قلیمه رسام ازل،
باخ اورک گوزگوسونه گۆر نه سایاق ساخلامیشام.

باخما نیسگیل یوخوسو کؤلگه سالیب گۆزلریمه،
باخماغا یار یولونا سانکی اویاق ساخلامیشام.

هامی، یار، یار دؤشونه گول تاخار آنجاق کی اوزون،
چکمیسن داغ سینه‌مه سینه‌ده داغ ساخلامیشام.

هریتن دلبر اوچون آچمامیشام سیرریمی من،
آند اولو عشقیمیزه عشقیمی آغ ساخلامیشام.

گنیدیریپ «عاطف»ه عشقین کی جنون کؤینگینی،
چؤلره دوشمگه آنجاق کی آفاق ساخلامیشام.

قالسين

منه جۇور ائيله ين دلبر گۇروم جانانه سيز قالسين.

سۇنو كسون شمع اقبالى شمعى پروانه سيز قالسين.

كنچرسين عۇمرو حسرتله وصالى دۇنسون هجرانه،

قىرىلسين عشق زنجيرى گۇروم ديوانه سيز قالسين.

داغىلسين طاق كسرى تىك وجودى پايمال اولسون،

تالانسين شەرى ائيدى اونو شاهانه سيز قالسين.

بساط عيشى چئوريلسين نظامى نظمىدن دوشسون،

آياقدان ساقى سى دوشسون آلى پيمانه سيز قالسين.

داغىلسين زولفو پُر پىچى پريشان اولسون آشفته،

خران وورموش گولستان تىك پوزلسون شانه سيز قالسين.

اؤتوشسون عۇمرو بيهوده اودا بى ذوق زاهد تىك،

قىرىلسين سبجەى ذكرى مدام صد دانه سيز قالسين.

آفات وورسون بار اوستىزىند محبت سونبولون «عاطف»،

او محصولدان كۆنول مُرغى الهى، دانه سيز قالسين.

قىراغىندا

يادىندا وارمى اى جانان اوگون آرخين قىراغىندا،

طناب عشقه باغلاندىم اسير اولدوم فراغىندا.

سوسوز كۆوشن كىمى ياندى بۇلوندو قلىيم انجىر تىك،

جنونلوق حالتى تاپدىم گىزم گۆزلىر ايراغىندا.

چىچىك آچمىشىدى عشقىندن كۆنول باغىندا هر گوللىر،

بىچىلدى قات به قات چىلغىن اوركدن غم اوراغىندا.

چكىب زيتون كىمى سىخدى سىنين عشقىن منى قات - قات،

ياغىمدا، شعله ور اولدو سىنين هجران چراغىندا.

پريشان كۆنلومو گۆردون اولوب آشفته زولفون تىك،

چكىب جان رشته سىن دىددىن گولوم حسرت داراغىندا.

منى سن قىس تىك قويدون يىبانلاردا سرگردان،

دوشوب مجنون كىمى چۆلدە گىزم لىلى سوراغىندا.

ائله بير درده سالدىن كى تايلمىز دردىمه درمان،

حكيملىر «عاطف» بن اسمىن گۆره دفتر واراغىندا.

کۆنول

دئمه، سن سیر سۆزونو هر يشتن اغياره کۆنول.
اويما چوخ ظاهري خوش گۆزلری خومماره کۆنول.

اويما پروانه کیمی هر يانان اود شعله سینه،
گاه ياتيپ گاه اوجالاندا قويار آواره کۆنول.

بیر شامی اؤز ديينه گۆرمه ميشم سالسين ايشيق،
اودا، پروانه يانار نور سالی دیواره کۆنول.

بو گۆزلر کی گۆرورسن او شاما نیستی وار،
خيرين اغيار آپارار غم يتيشر ياره کۆنول.

عشوه - نازيله باخيب هر يتنی درده سالار،
بیر باخيشلا ووراجاق قلینه مين ياره کۆنول.

بی وفالر اودونا «عاطف» ی بیچاره يانیر،
ظاره را توستوسو یوخدور ائده فواره کۆنول.

مطلب

حقیقت آختاران عاشیق سوروش دیوانه دن، مطلب.
یارا وصل آختاران کیمسه آلا ر پروانه دن، مطلب.

سالا سجاده ی عشقین گنجه - گوندوز خیال ایچره،
اولا ذکرینده بایقوش تک آلا ر ویرانه دن، مطلب.

اورک فالچی کیمی بیر آن آتا جام ایچر اوز رطلین،
سالا ابجد حسایله آلا ر افسانه دن، مطلب.

کۆنولده دوزگون عشق اولسا آلا ر اوز ایسته گین دائم،
نه لازم کعبه آختارسین آلا ر بیتخانه دن، مطلب.

یانیق کۆوشن کیمی قلین قالا حسرت وصالیندا،
دولو بیر ابریقی نئیلیر آلا ر پیمانه دن، مطلب.

اورک انبارینه نئیچون ییغا خرواریلن دانه،
یقین صراف اولان کیمسه آلا ر بیر دانه دن، مطلب.

حجامت چکمه آلتیندان قاراتما سجده گاهین سن،
قارا اوز اولماسا «عاطف» آلا ر میخانه دن، مطلب.

من نہ یم

گنجه - گوندوز فیکر ائلیردیم بو دونیادا من نہ یم.
یارانمشام ندن اؤترو بو مأوادا من نہ یم.

بیر قطره سو آلتی جورہ شکله دوشوب جان تاپیب،
نقشه سینی چکن چکیب ابتدادا من نہ یم.

جان اونون کی جسم اونون کی نفس ده کی اونو ندور،
کؤلگه کیمی سورونورم بوسؤودادا من نہ یم.

منده اولان بوسس - صدا کیمین کی دیر یلمیرم،
اور گیمده وورنوخورام بوغوغادا من نہ یم.

امر اولونورقان دولانیر دامارلاردا دم به دم،
روح دولانیر سثیر ائله بیر بوفضادا من نہ یم.

آیاق گئدیر آل گتیریر گؤزلریمدن باخان کیم،
اونلارا فرمان وئرن وار بو ائنادا من نہ یم.

«عاطف» لنگم لنگ - لنگان دولانیرام دونیادا،
آلتیش ایلده ییله نمه دیم بودونیادا من نہ یم.